

Deerick



SPECIMEN LITERARIUM INAUGURALE

EXHIBENS

M. A. PLAUTI AULULARIAM,

ANNOTATIONE INSTRUCTAM.

THE JOURNAL OF THE

ROYAL

SOCIETY OF MEDICINE

AND SURGERY

SPECIMEN LITERARIUM INAUGURALE

EXHIBENS

M. A. PLAUTI AULULARIAM,

ANNOTATIONE INSTRUCTAM,

QUOD

ANNUENTE SUMMO NUMINE,

EX AUCTORITATE RECTORIS MAGNIFICI

HENRICI COCK,

JUR. ROM. ET MOD. DOCT. ET JUR. PROF. ORD.,

ET

**NOBILISSIMAE FACULTATIS PHILOSOPHIAE THEORETICAE
ET LITERARUM HUMANIORUM DECRETO,**

Pro Gradu Doctoratus,

**SUMMISQUE IN PHILOSOPHIAE THEORETICAE ET LITERARUM
HUMANIORUM DISCIPLINA HONORIBUS AC PRIVILEGIIS,**

IN ACADEMIA LUGDUNO-BATAVA,

RITE ET LEGITIME CONSEQUENDIS,

DEFENDET

ALBERTUS AGATHUS DEENIK,

THIELA GELRUS.

AD DIEM XVIII DECEMBRIS MDCCCXXXV, HORA I-II.



**LUGDUNI BATAVORUM,
APUD H. W. HAZENBERG.**

MDCCCXXXV.

EX TYPOGRAPHEO J. G. LA LAU.

PARENTIBUS
OPTIMIS CARISSIMIS

Sacrum.

PRAEFATIO.



Ut satisfacerem consuetudini legibusque Academicis, specimen hoc quaecunque edidi; in quo judicando, lectorum benevolentiam imploro. Nemo enim virium mearum tenuitatis magis conscius esse potest, quam ipse sum ego: quam ob causam anxius mihi subit timor, cogitanti, me in iudicium facultatibus meis gravius esse venturum.

Interea hanc mihi oblatam arripio occasionem, gratias Vobis agendi, Viri Clarissimi, qui et publica institutione, et privatis praeceptis consiliisque, verae cruditionis fontes mihi exstistis uberrimi, ex quibus, utinam tantum profecerim quantum potuissem. Nulla dies mihi recordationem Vestrae humanitatis, Vestraeque erga me benevolentiae unquam delere poterit, cum assidue semper, quod mihi vitae spatium dabitur, conaturus sum, ne infelici prorsus successu operam vestram in me impensam esse queramini. Gratias pro tantis beneficiis Vobis, Viri Clarissimi, referre plane nequeo; debitas dignasque agere vix possem: Hoc tamen Vobis persuasum sit rogo, mei me prius, quam Vestri nominis esse obliturum.

Neque ingratae mentis crimen effugere possem, nisi et Vos compellarem, Viri Doctissimi, quibus antea, in Gymnasio Harlemensi Praeceptoribus uti mihi contigit; qui, sedula cura, assiduo studio, egregiaque disciplina me Literas Graecas Latinasque docuistis.

Tu in primis celebrandus mihi es, J. V. Peerlkamp, Vir Praestantissime, qui *Gymnasio Harlemensi praeës*; tam carus discipulis tuis, quam laudatus ab omnibus, qui rectam instituendi rationem, et veram doctrinam intelligunt. Tu me *Harlemi et deinde in Academia Leidensi versantem*, tanta semper benignitate et comitate habere, consiliisque adjuvare non desisti, ut numero me fere amicorum tuorum adscriptum esse, gloriari auderem. Si unum insuper munus, idque insigne, a Te, Vir Doctissime, flagitare mihi liceat, enixe exoptem, ut eadem, qua me prorsus Tibi devinxisti, benevolentia eadem affabilitate, et in posterum me prosequi digneris. Vivite Vos omnes, Viri Doctissimi, diu; vivite felices. Vos Deus O. M. multos per annos incolumes ad Graecarum Latinarumque Literarum laudem servet, ex intimo pectore precor.

Neque Vos silentio praeterire mihi fas est, Viri Praestantissimi, Aestimatissimi, quorum comitas mihi, a ditissimis Bibliothecae, quae *Leidae est*, subsidiis literariis remoto, benevolenti animo impertivit suppetias. Te, voco, A. de Vries, Vir Venerande, qui mihi saepissime, ubi fons Bibliothecae *Harlemensis*, cujus curam praeclarum in modum geris, deficeret, (ea enim mihi perscrutanti sat multa, neque vero omnia, quibus indigebam, praebebat) ex Tuis ipsius pretiosis opibus literariis, larga manu, tanta suppeditasti, ut gratam, semper talis beneficii memoremque mentem palam me testificari, sacrum nec minus jucundum mihi impositum esse arbitrer officium. — Te voco J. Enschedé, Vir Consultissime, qui me ea, qua es humanitate et indulgentia, amplissima *Tuae Bibliothecae* scrinia ipsum adire et exquirere passus es non solum, verum etiam omnia quae mihi in hocce qualicumque specimine conscribendo, auxilio adjumentoque esse poterant, comiter largeque in usum meum mihi sumere concessisti. Grata jucundaque semper mihi hujus *Tuae benevolentiae* erit recordatio. Accipitote igitur, Viri Praestantissimi, gra-

tias, Vestris in me muneribus minime pares, quas tamen mea in Vos pietas animo continere non sivit.

Restat, ut quam brevissime rationes, quas in argumenti tractatione secutus sum exponam. Si quis roget, cur in Plauti Aululariam incidere? elegi, quoniam, placebat; placebat, quoniam, ut ipsis Jani Douzæ utar verbis, præter dictionis genus vere Romanum, tota Ethica esse, et ad pudicos (unum alterumve locum excipias modo) honestosque mores facta videri potest. — In plerisque Ernestianam secutus sum editionem. Loca quæ Hermannus in Elem. doct. metr. tractavit, describenda curavi: hoc ideo feci, quoniam usus est Hermannus præstantissimo Plautinarum fabularum Cod. MS. de quo sic loquitur in Epistola Elem. doct. metr. præfixa p. 19 seq. Qui Codex, quum in candidissima membrana omnes Plauti fabulas summo nitore scriptas continens, sæpe a MSS. discrepet, duplicem mihi usum præstitit, unum quod scripturam ante oculos habebam, ab editorum mutationibus vacuum, alterum quod, etsi hic quoque Codex fortasse non immunis est ab recensione aliqua grammaticorum, sæpe optimas lectiones non modo confirmavit, sed etiam primus et solus exhibuit. — In nonnullis versibus transponendis Goellerus me assentientem habet, quod ubicunque indicavi.

Quod ad annotationes attinet, ea, in quibus a solito scribendi more recedere mihi visus est Plautus, et quæ obscuriora videbantur, quantum in me erat, illustrare conatus sum: quæ vero recte ab interpretibus exposita esse credebam, ea prætereunda censi: deinde, quæ similia apud alios, in primis Graecos scriptores inveni loca, ea cum Plautinis comparare studui.

His de opusculo dictis, triste mihi restat officium Vobis valedicendi, Sodales Amicissimi, Commilitones Conjunctissimi! Vobis præsertim quos in LITERARUM STUDIO, socios habui; quibuscum tot, aequè utiles ac dulces transegi horas literis consecratas. Amicitia vestra, per omne quod in alma nostra

Academia degi tempus, in pace et in castris, in otio et inter belli pericula, non exiguae mihi fons fuit dulcedinis jucunditatisque. Fugere illa quidem tempora; sed remansit grata illorum recordatio; remansit, remanebitque in posterum, ut spero vehementerque exopto, fraterna illa conjunctio nostra, quae verae felicitatis mihi exstitit caussa. Tristis discedo, nec vana tamen spe ductus, aequae firmam et constantem nostram fore amicitiam, ac mobile et fugax tempus esse experitus sum. Valeatis igitur Amici. Conjunctissimi, Integerrimi! vivite felices, neque mei immemores! Hoc demum Vobis persuasum habeatis confido, ubicunque sors mihi degendi locum designaverit, ibi Vos sincerum fidelemque habituros esse amicum.

11-102837, CITABARD
M. A. PLAUTI

AULULARIA.

DRAMATIS PERSONAE.

LAR	Prologus.
EUCLIO	Senex.
STAPHYLA	Anus.
EUNOMIA	Mulier.
MEGADORUS	Senex.
STROBILUS	Geminus Servus.
ANTHRAX	} Coci.
CONGRIO	
PYTHODICUS	Servus.
LYCONIDES	Adolescens.
PHAEDRA	Puella.

Res agitur Athenis.

ARGUMENTUM PRISCIANI.

(UT QUIBUSDAM VIDETUR.)

*Aulam repertam auri plenam Euclio
Vi summa servat, miseris affectus modis.
Lyconides istius vitiat filiam.
Vult hanc Megadorus indotatam ducere,
Lubensque ut faciat, dat coquos cum obsonio.
Auro formidat Euclio; abstrudit foris.
Reque omni inspecta, compressoris servulus
Id surpit: illic Euctioni rem refert,
Ab eo donatur auro, uxore et filio.*

PROLOGUS.

Lar *familiaris*.

Ne quis miretur qui sim, paucis eloquar.

Ego Lar sum Familiaris, ex hac familia;

Unde exeuntem me aspexistis; hanc domum

Jam multos annos est ut possideo, et colo

Patrique, avoque jam hujus, qui nunc hic habet.

5.

Sed mihi avos hujus obsecrans concredidit

Auri thesaurum, clam omnis: in medio foco

Defodit, venerans me, uti id servarem sibi.

Is quando moritur, ita avido ingenio fuit,

4. *Colo*. Acidalius *colo* mutat in *color*, quasi diceret Lar, se a patre avoque hodierni domini pro Lare cultum fuisse: non cum illo facio, nam non sibi constaret Lar, qui paulo infra versu 18 seq. dicit

At ille vero minus minusque impendio
Curare, minusque me impartire ho-
(noribus.

ex quibus sequitur omnino neglectum fuisse. *Colo* signif. *servo*, *custodio*.

8. *uti id servarem*. Sunt qui putent *thesaurum* et neutro dici posse

genere, inducti Cod. Vienn. ad hunc locum glossa, quae haec habet: *nota thesaurum neutro genere dici*: sic et explicant v. 10 hujus Prol. et Aul. II. 2. 90. qui ultimus locus eam etiam interpretationem nactus est, quae *id* explicaretur per. *propter id*. Non opus est, ut mihi videtur, hanc illamve explicationem amplectemur: facilius erit vocem *id* referre, non ut illi, ad *thesaurum* sed ad additum *auri*. Eodem modo infra II. 2. 90. *id* inhiat referendum puto ad v. 37, ubi exclamat Euclo: *aurum quid valet*.

10. Nunquam indicare id filio voluit suo:
Inopemque optavit potius eum relinquere,
Quam eum thesaurum commonstrare filio.
Agri reliquit eii non magnum modum,
Quo cum labore magno, et misere viveret.
15. Ubi is obiit mortem, qui mihi id aurum credidit,
Coepi observare, ecquid majorem filius
Mihi honorem haberet, quam ejus habuisset pater.
At ille vero minus minusque impendio
Curare, minusque me impartire honoribus.
20. Item a me contra factum est: nam item obiit diem.
Is ex se hunc reliquit, qui hic nunc habitat, filium
Pariter moratum ut pater avusque hujus fuit.
Huic filia una est; ea mihi cotidie
Aut ture, aut vino, aut aliqui semper supplicat;
25. Dat mihi coronas; ejus honoris gratia
Feci, thesaurum ut hic reperiret Euclio,
Quo eam facilius nuptum, si vellet, daret.
Nam compressit eam de summo adolescens loco.
Is scit adolescens, quae sit, quam compresserit;
30. Illa illum nescit, neque compressam autem pater.

17. *honorem.* Honor non semel significat praemium, vel donum, quod honoris causa datur. Vid. Drakenb. ad Liv. II. 12. 15. Hoc loco igitur est sacrificium, uti et Nonius explicavit. Sic etiam *honorare* usurpatur. pro, *debito praemio afficere*. Suet. Aug. 45. *pro merito certantium quemque honoravit.* Eodem sensu Graeci *τιμὰς*, et *τιμῶν*, vel *ἀπαιτεῖν* ponunt. Xenoph. Memor. I. 3. 3. *ἀλλ' ἐνδομῆς τοῦθ' ὁμοῦ ταῖς παρὰ τῶν εὐσεβειστάτων τιμαῖς μάλιστα χαίρειν.* Xenoph. Oecon. IX. 15. *καὶ ἀπαιτεῖν καὶ τιμῶν, ὥσπερ βασιλίσσαν.*

27. *Quo eam facilius nuptum, si vellet, daret.* Inscititius huius mihi videtur versus. Lar enim, nempe Deus, probe sciebat, et Megadorum, et Lyconidem, amore incitatos, neque dotis cupidos, Euclionis filiam sibi uxorem petituros: Euclionis avaritiam satis etiam cognitam habebat; igitur thesaurus repertus nihil juvabat in Phaedra colloenda: e contrario, obstitit, ut videre est ex Act. II. Scen. 2. Natus mihi videtur versus ex v. 33 hujus prologi, qui eodem fere continetur verbis:

Eam ego hodie faciam, ut hic senex de proximo

Sibi uxorem poscat; id ea faciam gratia,

Quo ille eam facilius ducat, qui compresserat.

• Et hic qui poscet eam sibi uxorem senex;

Is adolescentis illius est avunculus, 35.

Qui illam stupravit noctu, Ceteris vigiliis.

Sed hic senex jam clamat intus: ut solet,

Anum foras extrudit, ne sit conscia.

Credo aurum inspicere vult, ne surreptum siet.

ACTUS PRIMUS. SCENA PRIMA.

EUCLIO. STAPHYLA.

Exi, inquam, age exi! exeundum hercle est tibi,

Circumspectatrix cum oculis emissitiis.

Staph. Nam cur me miseram verberas? *Euc.* ut misera sis,

Atque ut te dignam mala malam aetatem exigas.

Staph. Nam qua me nunc causa extrusisti ex aedibus? 5.

Euc. Tibi ego rationem reddam, stimulorum seges?

Illuc-regredere ab ostio, illuc: sis vide ut

Incedit! at scin' quomodo tibi res se habet?

Si hodie hercle fustem cepero, aut stimulum in manum,

Testudineum istum tibi ego grandibo gradum. 10.

Staph. Utinam me divi adaxint ad suspendium

37. ut solet: interpunctionem mutuo, et pro: senex jam clamat intus

ut solet: lego; senex jam clamat intus: ut solet, Anum foras etc. conf.

Aul. I. 2. 4. ubi Staphyla dicit

Decies die uno saepe (me) extrudit (aedibus.

6. Stimulorum seges. Aristoph. in Pluto v. 270.

Προσβρυχῶν μὲν οὖν καὶ ἐγὼ (ἐχόρρα σπερὲν.

et eadem fabula v. 804. ἀπαθῶν σπερὲς.

8. Incedit: signif: hoc loco, lente, tarde, testudineo, ut vocat Plautus, gradu ambulare. Senec. Nat.

Quaest. VII. 31. non ambulamus, sed incedimus. Vid. etiam Virg. Aen. I.

46. ibique Servius.

Potius quidem, quam hoc pacto apud te serviam!

Euc. At ut scelesti sola secum murmurat!

Oculos hercle ego istos, improba, effodiam tibi,

15. Ne me observare possis, quid rerum geram.

Abscede: etiam nunc, etiam nunc; etiam: ohe, nunc

Istic adstato; si hercle tu ex istoc loco

Digitum transversum, aut unguem latum excesseris,

Aut si respexis, donicum ego te jussero,

20. Continuo hercle ego te dedam discipulam cruci. —

Scelestiorem me hac anu certe scio

Vidisse nunquam: nimisque ego hanc metuo male,

Ne mihi, ex insidiis, verba imprudenti duit,

Neu persentiscat, aurum ubi est absconditum:

25. Quae in occipitio quoque habet oculos, pessuma.

Nunc ibo, ut visam, sitne ita aurum ut condidi,

Quod me sollicitat plurimis miserum modis.

ACTUS PRIMUS. SCENA SECUNDA.

STAPHYLA.

Nenu, mecastor, quid hero ego dicam meo

Malae rei evenisse, quamve insaniam,

18. *digitum transversum, aut unguem latum.* Est idem quod brevissimum spatium. *Digitus*, et δάκτυλος, dicebatur proverbio de re valde brevi, parvaque; Alcaeus:

Πινόμεν. τι τὸν λύχρον ἀμύνομεν;

(δάκτυλος ἀμέγα.

ubi Vid. Janus pag. 57. et Schweighaus. ad Athen. X. 35. Anthol. Graec. Lib. II. tit. I. v. 9. καὶ Περικλῆς δάκτυλον οὐ προέβη. Noster Bacchid. III. 3. 19. Horat. Carm. II. 8. 3. seq.

Dente si nigro fieres, vel uno

Turpior ungui;

Saeppissime de parvo spatio noster usurpat: quumque id contrahere minusque facere vellet, dicebat *digitum transversum*, ut hoc loco: vel *pedem latum*, ut Mostel II. 2. 3. similia.

25. *in occipitio quoque habet oculos.* Similiter Graeci de versuto doloque dicere solebant: ὀπίθεν κεφαλῇ; ὄμματ' ἔχει.

1. *Nenu*: variis modis hunc locum

Queo comminisci: ita miseram me ad hunc modum
 Decies die uno saepe extrudit aedibus.
 Nescio, pol, quae illunc hominem intemperiae tenent; 5.
 Pervigilat noctes totas: tum autem interdus,
 Quasi claudus sutor, domi sedet totos dies.
 Neque jam quo pacto celem herilis filiae
 Probrum, propinqua partitudo cui appetit,
 Queo comminisci; neque quicquam melius est mihi, 10.
 Ut opinor, quam ex me ut unam faciam literam
 Longam, meum laqueo collum quando obstrinxero.

ACTUS PRIMUS. SCENA TERTIA.

EUCLIO. STAPHYLA.

Nunc defaecato demum animo egredior domo,
 Postquam perspexi salva esse intus omnia.

tentaverunt viri docti, legentes pro
nenu, non enim, vel nec nunc, aliter;
nenu retinendum videtur: significat enim
non. Lucret. III. 200. *nenu potest*,
 ibique vid. interpretes. Idem IV. 716.
Nenu queunt rapidi contra constare
 (leones.

11. *Literam longam*: diversas hic lo-
 cus nactus est interpretationes. Sunt qui
 designari putent literam *L*, alii Grae-
 cam *A*: alii *T*. Lipsius putat Plau-
 tum literam *I* designasse; quoniam
 triplicem ejus sonum deprehendit: pri-
 mum ejus longae, et vere longae,
 quia non ut ceterae geminatur, sed
 productior fit, et longitudine velut
 dupla. Ad suam sententiam stabilien-
 dam, ex Ausonii Epigr. 120. affert.
Quid, imperite, P putas ibi scriptum,
Ubi locari jota convenit longum.

Quae tamen omnia non valde mihi pla-
 cent: magis H. Aleandri arridet con-
 jectura, licet constantem hujus loci
 mutet scripturam: legit enim;

quam ex me ut uvam faciam linea
Longa, reliq. haecce addens. Sic enim
 non modo personae decorum servatur,
 si quidem muliercularum potius est,
 uvam ad domesticos usus filo suspen-
 dere, quam literas facere, sed etiam
 ad nomen *σταφυλή* h. e. *uva*, quo
 nomine anus illa vocabatur, respicitur.
 Id quod insolens Plauto non esse, ex
 nominis significatione jocus captanti,
 quis ignorat?

1. *defaecato*. Defaecatus hoc loco
 significat hilaris, laetus: translatio
 sumpta a vino, quod faecibus purgatum
 est. Rem exposuit Gronov. Lect. Plaut.
 p. 48.

Redi nunc jam intro, atque intus serve. *Staph.* Quippini

Ego intus servem: an ne quis aedes auferat?

8. Nam hic apud nos nihil est aliud quaesti furibus:

Ita inaniis sunt oppletae atque araneis.

Euc. Mirum quin tua me causa faciat Juppiter

Philippum regem aut Darium, trivenefica.

Araneas mihi ego illas servare volo:

10. Pauper sum, fateor, patior: quod di dant fero.

Abi intro; occlude januam, jam ego hic ero.

Cave quemquam alienum in aedis intromiseris.

Staph. Quid, si quispiam ignem quaerit? *Euc.* extingui volo,

Ne causae quid sit, quod te quisquam quaeritet.

15. Nam si ignis vivet, tu extinguere extempulo.

3. *intus serve.* Gronov. Lect. Plant. p. 122. haec habet: servare alicubi, in aedibus, domi, absolute et sine casu dicitur pro curam gerere eorum, quae domi sunt.

6. *inaniis atque araneis.* Amat Plautus jungere verba eundem fere sonum praebentia. Captiv. II. 3. 36.

quae memini, mora mera est monae-
eadem fabula IV. 1. 7. (rier.

*Ila hic me amoenitate amoena amoe-
(nus oneravit dies.*

Cas. IV. 4. 7.

mala malae male monstrant.

et sic passim. Neque hoc Aristophani insolens. Plut. 453.

τροπαῖον ἀναστήσαιο τῶν ταύτης
(τρόπων.

Vesp. 368.

ἢ δ' ἐμοὶ Δικτυννα συγγνώμην ἔχοι
(τοῦ δικτύου.

A Platone hoc luditur. Vid ejus Sympos. cap. 11. Πανσανίου δὲ πανσα-
μένου (διδάσκοντος γὰρ με ἴσα λέγειν
οὕτως οἱ σοφοί) vid. insuper Heindorf.
ad Phædr. § 114. De loco araneorum

pleno vid. Theocrit. Idyl. XVI. 96.
ibique Kiessling.

10. *Quod Di dant fero.* Jam apud Hesiodum, ut Lambinus monuit, paupertas donum deorum vocatur. Oper. ac Dier. 662.

μηδὲ ποτ' οὐλομένην πένην θυμῶ-
(φθόρον ἀνδρῶν
τετλαθ' ὀνειδίζειν, μακάρων δόσιν
(ἀλὲν ἰόντων.

13. *Quid si quispiam etc.*: vulgo legitur *quod quispiam* reliq. versusque Euclioni adscribitur: recte Goellerus mihi mutasse videtur.

15. *Iu extinguere.* Errare Lambinus mihi videtur, haec active explicans, quasi legisset *Iu estingue*: haec enim Plautus vult: *vitam tibi adimam, morieris, si adhuc, cum a foro rediero, ignis vivet*, haec enim vis inest in futuro *vivet*. Jam v. 13. dixerat *extingui volo*: nunc minitans addit, *nam si ignis reliq. Extingui pro mori* frequens est. Cicero Brut. 1. Horat. Ep. II. 1. 14. Virgil. Eclog. V, 20. Ovid. Metam. III. 470.

Tum aquam aufugisse dicito, si quis petet.

Cultrum, securim, pistillum, mortarium,

Quae utenda vasa semper vicini rogant,

Fures venisse atque abstulisse dicito.

Profecto in aedes meas, me absente, neminem

20.

Volo intromitti; atque etiam hoc praedico tibi,

Si Bona Fortuna veniat, ne intromiseris.

Staph. Pol ea ipsa, credo, ne intromittatur, cavet:

Nam ad aedis nostras nusquam adiit, quanquam prope est.

Euc. Tace, atque abi intro. *Staph.* taceo atque abeo. *Euc.* occlude sis 25.

Fores ambobus pessulis: jam ego hic ero.

Discrucior animi, quia ab domo abeundum est mihi.

Nimis hercle invitus abeo: sed quid agam, scio.

Nam noster nostrae qui est magister Curiae,

Dividere argenti dixit nummos in viros:

30.

Id si relinquo, ac non peto, omnes illico.

Me suspicentur, credo, habere aurum domi;

Nam non est verisimile, hominem pauperem

Pauxillum parvi facere quin nummum petat.

Nam nunc quum celo sedulo, omnes ne sciant,

35.

Omnes videntur scire, et me benignius

Omnes salutant, quam salutabant prius.

Adeunt, consistunt, copulantur dexteras:

Rogitant me, ut valeam, quid agam, quid rerum geram.

Nunc, quo profectus sum, ibo: postidea domum

40.

Me rursum, quantum potero, tantum recipiam.

29. *Magister Curiae*: Raevardus quid rerum geram. Conf. Aristoph. notat Romae singulas tribus suos habuisse divisores, ut patet ex Ascon. Plat. 782.

ad Act. II in Verrem. Hi pecuniam ὡς χαλεπὸν εἶσιν οἱ φίλοι
populo viritum dividebant, singuli in οἱ φαινόμενοι παραχρῆμ, ὅταν πρῶτ-
sua tribu: alio nomine *Magistri Curiarum* (τῇ τις εἴ,
appellantur: apud Ciceronem ubi Clar. Hemsterh. pro οἱ φαινόμενοι
Curiones. Non semel in comoediis legit ἀσφαιρόμενοι; de qua re vide
palliat multa Romana miscet Plautus. eum ad Luciani Timonem p. 159.

40. *profectus sum*. Ruhnken. ad Terent. And. III. 4. 21. notavit, non

36. omnes videntur scire — — —

ACTUS SECUNDUS. SCENA PRIMA.

EUNOMIA. MEGADORUS.

- Velim te arbitrari med haec verba, frater,
 Mei fidei tuaeque rei hoc
 Causa facere, ut aequomst germanam soforem:
 Quamquam haud falsa sum, nos odiosas haberi:
5. Nam multum loquaces merito omnes habemur,
 Nec mutam profecto repertam ullam esse hodie
 Dicunt ullo in saeclo.
 Verum hoc, frater, unum tamen cogitato,
 Tibi proximam me, mihiq' esse item te,
10. Ut aequomst, quod in rem esse utrique arbitremur,
 Et mihi te, et tibi me consulere et monere,
 Neque occultum id haberi tibi, neque per metum mussari,
 Quin participem pariter ego te, et tu me ut facias.
 Eo nunc secreto foras te huc seduxi,
15. Ut tuam rem ego tecum hic loquerer familiarem.
Meg. Hem da mihi, optuma femina, manum. *Eun.* ubi ea est?
 (quis ea est nam optuma?

semper verbo *proficisci* veteres de longinquo itinere usos esse, sed etiam usurpasse pro *prodire*, *ire aliquo*, etiamsi non sit iter valde longum. Terent. Eun. II. 2. 49.

Tu profecturus alio fueras.

1. Ab initio hujus scenae usque ad verbum 40. in versibus disponendis Hermannam secutus sum: vid. ejus Elem. doct. metr. p. 307 et 454.

5. *multum loquaces merito omnes habemur.* Conf. Aristoph. Eocles. 120.

τις δ', ὧ μέλ', ἡμῶν οὐ λαλεῖν ἐπίσ-
 (ταται;

14. *secreto* i. e. seorsim.

15. *ut tuam rem ego tecum hic loquerer familiarem.* Verbum loqui, tali constructione significat, *narrare*, *nominare*, *cum laude memorare*, *canere*, hac eadem fabula IV. 9. 60. *magna res quam tecum cupio loqui.*

i. e. tibi narrare volo. Cicero pro Milone c. 23. *Multi etiam Catilinam, atque illa portenta loquebantur.* Quintil. Declam. VI. 21.

Te quidem, juvenis, omnia saecula
 (loquuntur.

Horat. Carm. IV. 15. 1.

Phoebus volentem proelia me loqui:
 Insolenter in hac constructione vis deliberandi remansit.

Meg. Tu. *Eun.* tu me ais? *Meg.* Si negas, nego. *Eun.* decet
(equidem vera proloqui.

Nam nulla potis est eligi: alia alia peior, frater, est.

Meg. Idem ego arbitror, nec me tibi advorsarier

Certum est de istae re nunquam, soror.

20.

Quid vis? *Eun.* da mihi operam,

Amabo. *Meg.* tuast: utere, atque impera sis.

Eun. Id quod in rem tuam optimum esse arbitror,

Ted id admonitum advento. *Meg.* soror, tuo facis

More. *Eun.* factum volo.

25.

Meg. Quid est id, soror? *Eun.* quod tibi sempiternum

Salutare sit liberis procreandis:

Ita di faxint:

Volo te uxorem domum ducere, *Meg.* hei, occidi.

Eun. Quid ita?

30.

Meg. Quia mihi misero cerebrum excutiant

Tua dicta, soror: lapides loqueris.

Eun. Heia, hoc face, quod te jubet soror. *Meg.* si lubeat, faciam.

Eun. In rem hoc tuam est. *Meg.* ut quidem emoriar, priusquam ducam.

His legibus sed si, soror, quam vis dare, ducam,

35.

Quae cras veniat, perendie foras feratur:

18. *alia alia peior est.* Conf. Terent. Hecyra II. 1. 3.

Neque declinatam quicquam ab alia-
(rum ingento ullam reperias.

Menand. Sent. Sing. v. 109. edit. Meinek.

Ἰντὴ γυναικὸς πάρος οὐδὲν διαφέρει.

22. *impera sis.* Imperare, et imperium, proprie dominorum est in servos: nonnunquam tamen usurpatur ab iis, qui promptos se atque paratos indicant ad officium praestandum. Noster Cistell. IV. 2. 56.

25. *factum volo:* est formula ejus qui stadium suum offert. vid. Broukh. ad Prop. II. 8. 13. Oudendorp. ad

Apulej. Apolog. p. 532. Grönov. ad Gellium VII. 3.

32. *Lapides loqueris:* signif. durus et asper tuus sermo est: his opponitur quod Aristoph. in Nubib. 917. dixit ῥόδα μ' εἰρηκας.

36. *foras feratur.* Cum his Lam- binus confert Hipponactis frag. 12.

Δὺ' ἡμέραι γυναικὸς εἶσιν ἡδίσται:
Ὅταν γὰρ ἡ τις κἀκφίλῃ τε θνητῶν.
Menand. Sent. Sing. v. 95.

Γυναικα θάπτειν κρείσσον ἐστὶν ἢ γαμεῖν.

qui tamen versus a Stobaeo Serm 68. p. 283 Chaeremoni tribuitur.

His legibus quam vis, cedo, nuptias adorna.

Eun. Quam maxima possum tibi, frater, dare dote:

Sed est grandior natu, media est mulieris aetas.

40. *Eam* si jubes, frater, tibi me poscere, poscam.

Meg. Numnam vis me interrogare te? *Eun.* imo, si quid vis, roga.

Meg. Post median aetatem qui median ducit uxorem domum;

Si eam senex anum praegnantem fortuitu fecerit,

Quid dubitas, quia sit paratum nomen puero Postumus?

45. *Nunc* ego istum, soror, laborem demam et diminuiam tibi.

Ego virtute deum et majorum nostrorum dives sum satis.

Istas magnas factiones, animos, dotes dapsiles,

Clamores, imperia, eburata vehicula, pallas, purpuram,

Nihil moror, quae in servitutem sumtibus redigunt viros.

50. *Eun.* Dic mihi, quaeso, quis ea est, quam vis ducere uxorem?

(*Meg.* eloquar.

Novistin' hunc senem Euclionem ex proximo, pauperculum?

Eun. Novi hominem, haud malum mecator. *Meg.* ejus cupio filiam

Virginem mihi desponderi: verba ne facias, soror.

Scio quid dictura es: hanc esse pauperem: haec pauper placet.

55. *Eun.* Di bene vortant! *Meg.* idem ego spero. *Eun.* quid?

(me numquid vis? *Meg.* vale.

Eun. Et tu, frater. *Meg.* ego conveniam Euclionem, si domi

Est, sed eccum: nescio unde sese homo recipit domum.

43. *fortuitu.* Magna in hoc loco vis comica inest in verbo *fortuitu*, quo addito, amorem senis annusque ut maxime ridiculosum Plautus carpit.

46. *virtute Deum.* Virtus hoc loco est *εὐεργετία*: vis bene faciendi: idem versus invenitur in Capt. II. 2.

74. ubi vid. Doct. Bosscha.

55. *numquid vis.* Sexcenties haec phrasis apud Plautum et Terentium occurrit. Sermo est discedentis: Denat. ad Terent. Eunn. II. 3. 49. *Abituri, ne id dure facerent, numquid vis dicebant his, quibuscum constitiscent:* vid. Horat. I. sat. 9. 6.

ACTUS SECUNDUS. SCENA SECUNDA.

EUCLIO. MEGADORUS.

Praesagibat mihi animus, frustra me ire, quum exibam domo,
Itaque abibam invitus: nam neque quisquam Curialium
Venit, nec magister, quem dividere argentum oportuit.

Nunc domum properare propero; nam egomet sum hic; animus domi

Meg. Salvus atque fortunatus, Euclio, semper sies. (est. 5.

Euc. Di te ament, Megadore. *Meg.* quid tu? recten' atque ut vis vales?

Euc. Non temerarium est, ubi dives blande appellat pauperem.
Jam illic homo aurum me scit habere, eo me salutat blandius.

Meg. Ain' tu te valere? *Euc.* pol ego, haud a pecunia, per bene.

Meg. Pol, si est animus aequus tibi, satis habes, qui bene vitam colas. 10.

Euc. Antus hercle huic indicium fecit de auro: perspicue palam est,
Cui ego jam linguam praecidam, atque oculos effodiam domi.

Meg. Quid tu solus tecum loquere? *Euc.* meam pauperiem conqueror.

Virginem habeo grandem, dote cassam, atque illocabilem,

Neque eam queo locare cuiquam. *Meg.* tace; bonum habe animum, 15.

Dabitur: adjuvabere a me: dic si quid opus est, impera. (Euclio:

Euc. Nunc petit, quom pollicetur: inhiat aurum, ut devoret.

Alteram manu fert lapidem, panem ostentat altera.

4. *properare propero.* Amant veteres jungere verba ejusdem, aut cognatae significationis. Cicero de Oratore I, init. *moles molestiarum.* Lucrēt. I. 826. *sonitu-sonanti.* Plato Apolog. Socrat. c. 23. *ἀγῶρος ἀγῶρα ἀγωνίζομενος.* In primis hoc Plauto placuit: Cap. II. 3. 31 seq. tribus continuis versibus id fecit, et alibi sparsim. Vid. Ruhnck. ad Vell. Patero, II. 124.

7. *non temerarium est.* i. e. non est sine magna gravique causa. Vid. Heins. ad Virg. Aen. IX. 375.

8. *illic.* antique pro *ille.* vid. Bentl. ad Terent. And. II. 6. 27.

9. *haud a pecunia:* praepositio *a*, usu eleganti ponitur pro *quod attinet ad.* Cicero in Bruto cap. 66. *mediocriter a doctrina instructus.* Vid. Cort. ad Sallust. Jugurth. cap. 48. Crebo hac Plautus utitur constructione. Capt. II. 3. 11. Epid. I. 2. 26. Curcul. I. 1. 51. Truc. IV. 3. 59. alibi.

18. *altera manu fert lapidem, panem ostentat altera.* Proverbium in perfidos. Graeci eodem fere modo

Nemini credo, qui large blandu'st dives pauperi.

20. Ubi manum injicit benigne, ibi onerat aliquam samiam.

Ego istos novi polypos, qui ubi quid tete gerint, tenent.

Meg. Da mihi operam parumper; paucis, Euclio, est quod te volo

De communi re appellare mea et tua. *Euc.* hei misero mihi!

Aurum mihi intus harpagatum est: nunc hic eam rem volt, scio,

25. Mecum adire ad pactionem; verum intervisam domum.

Meg. Quonam abis? *Euc.* jam ad te revortar; namque est quod

(visam domum.

Meg. Credo edepol, ubi mentionem ego fecero de filia,

Mihi ut despondeat, sese a me derideri rebitur.

Neque illo quisquam est alter hodie ex paupertate parcior.

τῇ μὲν ὕδωρ ἐφόρει, τῇ δ' ἐτέρῃ
δὲ τὸ πῦρ. Huic confine est, ἐκ
τοῦ στόματος τὸ θερμὸν καὶ τὸ
ψυχρὸν ἐξάγειν. Vid. Erasmi Adag.
p. 350.

20. *manum injicit*: sic et Graeci
dicunt, ἐμβάλλειν τὴν δεξιάν. Aris-
toph. Ran. 766.

Ἦ Φοῖβ' Ἀπολλων, ἐμβαλέ μοι τὴν
(δεξιάν.

Sophoc. Trachin. v. 1181.

ἐμβαλλε χεῖρα δεξιάν πρώτιστά μοι.
Demost. in Midiam p. 553. ed. Reisk.
Orat. Graec. τὴν δεξιάν ἐμβαλὼν.

20. *onerat samiam*: idem est,
quod injungere detrimentum (ζαμίαν),
ut Cicero ad famill. XI. 13. dicit.
Onerari non tantum dicitur res, quae
accipit onus, sed etiam onna ipsum.
Graeci vocant ἐμβάλλεσθαι: hic igitur
onerare samiam est, inferre, im-
ponere samiam sive jacturam. Haeo
Gronov. Lect. Plaut. p. 50. quem vi-
de. Aristoph. Plut. 1125. dixit ἐποίεις
ζημίαν.

24. *nunc eam rem vult* etc. Sub-
auditur praepositio ob, quam ellipsin

a Graecis sumserunt Latini: nihil enim
frequentius apud Graecos, quam sub-
intellecta praepos. κατά: sic etiam Li-
vius VIII. 35. *stupentes tribunos, et
suam vicem magis anxios*; Livius
XXVIII. 19. *extrem. clamor undi-
que ab sollicitis vicem imperatoris
militibus sublatu*. Vid. Donat. ad
Terent. And. I. 1. 130. et ad Euz.
V. 6. 4.

29. *ex paupertate*. Plerique in-
terpretes haec ita explicant, ut signi-
ficent, *ex ordine vel ex numero pau-
perum*: non placet: potius, cum Ca-
merario crederem significare, *propter
paupertatem*: talis enim et Latinis et
Graecis praepositionis ex vel ἐκ usus,
causam indicantis, sat frequens. Cicero
ad Divers. II. 10. *ex quo versor*: i. e.
qua propter. Idem Invent. II. 4. *ex
lassitudine dormire*. Livius XXII. 7.
multi ex vulneribus periere. vid Dra-
kenb. ad Liv. IV. 47. Ex Graecis,
Xenoph. Cyrop. V. 4. 10. *ἐπορεύετο,
ὥς ἐπισκίφοντο τὸν Γαδάταν, πῶς
ἔχοι ἐκ τοῦ τραύματος*. Idem Symp.
IV. 10. οὐκ ὄν' αὖ ἐγὼ λῆξω, ἔφη,

Euc. Di me servant; salva est res. Salvum est, si quid non perit. 30.

Nimis male timui; priusquam intro redii, exanimatus fui. 31.

Redeo ad te, Megadore, si quid me vis. *Meg.* habeo gratiam.

Quaeso quod te percontabor, ne id te pigeat proloqui. 32.

Euc. Dum quidem ne perconteris, quod non lubeat proloqui.

Meg. Dic mihi, quali me arbitrare genere prognatum? *Euc.* bono. 35.

Meg. Quid fide? *Euc.* bona. *Meg.* quid factis? *Euc.* neque

(malis neque improbis.

Meg. Aetatem meam scis? *Euc.* scio esse grandem, itidem ut pecuniam.

Meg. Certe edepol equidem te civem sine mala omni malitia.

Semper sum arbitratus, et nunc arbitror. *Euc.* Aurum huic olet.

Quid nunc me vis? *Meg.* quoniam tu me, et ego te, qualis sis, scio, 40.

Quae res recte vortat, mihi que, tibi que, tuae que filiae,

Filiam tuam mihi uxorem posco: promitte hoc fore.

Euc. Heia, Megadore, haud decorum facinus tuis factis facis,

Ut inopem atque innoxium abs te atque abs tuis, me irrideas.

Nam de te neque re, neque verbis merni, ut faceres, quod facis. 45.

Meg. Neque edepol ego te derisum venio, neque derideo,

Neque dignum arbitror. *Euc.* cur igitur poscis meam gnatum tibi?

Meg. Ut propter me tibi sit melius, mihi que propter te et tuos.

Euc. Venit hoc mihi, Medagore, in mentem, te hominem divitem,

Factiosum; me item esse hominem pauperum pauperrimum. 50.

ἐξ ὧν ἐπὶ τῷ κάλλει μέγα φρονῶ.

Thucyd. II. 53. ἐκ τοῦ πάντας ὄρεν

ἐν ἴσῳ ἀπολλυμένων. Demost. Olynth.

I. p. 11. ἐπειδὴ δ' ἐκ τῶν πρὸς αὐ-

τοὺς ἐγκλημάτων μισοῦσι. Idem in

Midiam p. 584. ἐξ ὑβρείως, καὶ ἐκ

ταύτης μῆδεν, ὧν πεποίηκεν, ἀναλῦσαι

δυνασθαι, κρινεταί.

38. Sine omni malitia. Ruhn.

ad Terent. And. II. 3. 17. ad verba

sine omni periculo dixit: Sic Plautus

et Terentius loquuntur. Cicero alii,

sine ullo periculo. Non cogitavit vir

Cl. Ciceronem de Orat. II. 1. sine omni

sapientia; et Ovid. Trist. IV. 8. 33.

omni sine labe, dixisse.

44. irrideas. Boxhornius confert

locum ex Juvenal. III. 152.

Nil habet infelix paupertas durius

(in se,

Quam quod ridiculos homines facit.

comparandus insuper Stobaeus, tit. Πε-

νίας ψόγος.

Οὐκ ἔστι πενίας οὐδὲν ἀθλιώτερον

Ἐν τῷ βίῳ σύμπτωμα. καὶ γὰρ ἂν

(φύσει

Σπουδαῖος ᾗς, πένης δὲ, κατάγε-

(λως ἔσθ).

- Nunc si filiam locassim meam tibi, in mentem venit,
 Te bovem esse, et me esse asellum; ubi tecum conjunctus sim,
 Ubi onus nequeam ferre pariter, jaceam ego equalis in luto:
 • Tu me hos magis haud respicias, gnatus quasi nunquam sim;
 55. Et te utar iniquiore, et meus me ordo irrideat.
 Neutrubi habeam stabile stabulum, si quid divortii fuit:
 Nec noctu, nec diu quietus unquam eam, neu dormiam.
 Asini me mordicibus scindant, boves incursent cornibus;
 Hoc magnum est periculum, ab asinis me ad boves transcendere.
 60. *Meg.* Quam ad probos propinquitatem proxime te adjunxeris,
 Tam optimum est; tu conditionem hanc accipe: ausculta mihi,
 Atque eam desponde mihi. *Euc.* at nihil est dotis quod dem.
 Dummodo morata recte veniat, dotata est satis. (*Meg.* ne dui.
Euc. Eo dico, ne me thesauros repperisse censeas.
 65. *Meg.* Novi, ne doceas: desponde. *Euc.* fiat: sed, pro Juppiter
 Non ego disperii? *Meg.* quid tibi est? *Euc.* quid crepuit quasi
 (*ferrum modo?*
Meg. Hic apud me hortum confodere jussi; sed ubi hic est homo?
 Abiit, neque me certiore fecit: fastidit mei;
 Quia videt me suam amicitiam velle, more hominum facit;

53. ubi. l. e. si: hinc usus particulae ubi non insolens veteribus. vid. Vorst. ad Justin. X. l.

57. Nec noctu, nec diu, etc. hic versus inter Aululariae fragmenta refertur. Gulielmus Appingere valuit post versum 27. Act. I. Scen. I. improbante Gaellero, qui hoc loco inserit: cui quum megis videatur convenire, ab partibus ejus stare non dubitavi.

59. ab asinis ad boves transcendere: similiter Graeci dicunt: ἀπ' ὄψεως εἰς τὴν εὐνοίαν, in eos qui ab obscuris ad praecleara perveniunt.

63. Dummodo morata recte veniat. Lambinus comparat cum hoc loco Nostrium Amphit. II. 2. 209.

Non ego illam mihi dotem duco esse,
 (quae dos dicitur;
 Sed pudicitiam et pudorem.

Menand. Sent. Sing. v. 92.

Τὴν αὖτις καὶ ὁμοῦ δ' ἑρπύρας οὐ καὶ χερσὶν,
 plura, quibus addo Menand. Sent. Sing. v. 99.

Τὴν δὲ χερσὶν ἀνδάλειν ἔστ' οὐκ ἔστι.

66. quid crepuit quasi ferrum modo? Eodem fere modo nobilissimus Gallorum comicus, Molierius, suspiciosum avari animum depinxit, in imitatione hujus fabulae pulcherrima, titulo *L'Avare*. Act. I. Sc. VII. *Quand il me semble que j'entends un chien qui aboie. N'est-ce point qu'en en voudrait à mon argent?*

Nam si opulentes ita petulum pauperioris gratiam, 70.
 Pauper metuit congregari; per metum male rem gerit.
 Idem quando illaec occasio perit, post sero cupit.

Euc. Si hercle ego te non elinguendam dederò usque ab radicibus,
 Impero auctorque sum, ut tu me cuivis castrandum loces.

Meg. Video hercle ego te me arbitrari, Eucchio, hominem idoneum 75.
 Quem senecta aetate ludos facias, haud merito meo.

Euc. Neque edepol, Megadore, facio; neque si cupiam, copia est.

Meg. Quid nunc? etiam mihi despondes filiam? *Euc.* illis legibus,
 Cum illa dote, quam tibi dixi. *Meg.* sponden' ergo? *Euc.* spondeo.

Meg. Di bene vortant. *Euc.* ita di faxint; illud facito, ut memineris 80.
 Convenisse, ut ne quid dotis mea ad te afferret filia.

Meg. Memini. *Euc.* at scio, quo vos solatis pacto perplexarier.
 Pactum non pactum est, non pactum pactum est, quod vobis lubet.

Meg. Nulla controversia mihi tecum erit; sed nuptias
 Hodie quin faciamus num quae causa est? *Euc.* imo edepol optuma. 85.

Meg. Ibo igitur, parabo; nunquid me vis? *Euc.* istuc fiet; vale.

Meg. Heus Strobile, sequere propere me ad macellum strenue.

Euc. Illic hinc abiit; di immortales, obsecro, aurum quid valet!

76. *Ludos facies.* Ludum, vel ludos facere aliquem vel alioni, est illudere. vid. Doct. Verwayen ad Plauti Amph. II. 1. 21.

78. *etiam.* Hoc loco est particula hortantis sic et Virg. Aen. XI. 373.

Etiam tu, si qua tibi vis, Si patrii quid Martis habes, illum (adspice contra. vid. ibi Servius: et Bentl. ad Terent. And. V. 2. 8.

83. *perplexarier.* Nonnulli explicant vocem per *conturbare*; ejus vim non pauperioris videntur. Significat enim, *implicite, tetraconte loqui, enigmatis uti verbis, ita ut hifistam accipi possint.* Liv. XXXIII. 34. *nil jam perplexo, ut ante, sed aperte*

pronunciatum. Id. XL. 5. *Singulas tentare sermonibus perplexis institit.* vid. Burman. ad Patron. Sat. cap. 134. Graeci hac in re usurpant *περίπλοκας λέγειν*, v. Valck. ad Eurip. Phoenia. 497.

86. *parabo.* Parare est *amere, comparare*, Caesar Belle Gall. IV. 2. *quaeque impenso parat pretio.* Sall. Jug. 31. *servi aere parati.* Saepe *parare* et composita sine casu ponuntur. Nepos Thras. 2. *tempore ad comparandum dato.* Ovid. Trist. I. 3. 7.

Nec mens nec spatium fuerant satis (apte parant. Vid. Liv. XXXVIII. 12. ibique Gronov.

87. *aurum quid valet.* Sententia, qua, ut alios mittam, crebo utuntur comici. Aristoph. in Pluto 146.

Credo ego illum jam inaudisse, mihi esse thesaurum domi;
90. Id inhiat, ea affinitatem hanc obstinavit gratia.

ACTUS SECUNDUS. SCENA TERTIA.

EUCLIO. STAPHYLA.

Ubi tu es, quae deblaterasti jam vicinis omnibus,
Meae me filiae daturum dotem? heus, Staphyla, te voco:
Ecquid audis? vascula intus pure propere atque elue.
Filiam despondi ego; hodie nuptum huic Megadoro dabo.

5. *Staph.* Di bene vortant; verum ecastor non potest: subitum est nimis.
Euc. Tace atque abi: curata fac sint quom a foro redeam domum.
Atque occlude aedes: jam ego hic adero. *Staph.* quid ego nunc agam?
Nunc nobis prope adest exitium, mihi atque herili filiae.

Ἄπαντα τῷ πλουτεῖν γὰρ ἔσθ' ὑπὲρ-
(κοα.

Menand. in Ὑποβολιμαίῳ p. 170 ed.
Meinek.

τοῦτο μόνον ἐπισκοτεῖ
Καὶ δυσγένεια, καὶ τρόπου πονηρία,
Καὶ πᾶσιν οἷς ἔσχηκεν ἄνθρωπος κα-
τὸ πολλά κεκτῆσθαι. (κοῖς

Menand. inc. fab. frag. 10. p. 196.

Ὁ μὲν Ἐπίχαρμος τοὺς θεοὺς εἶναι
(λέγει

Ἀνέμους, ὕδωρ, γῆν, ἥλιον, πῦρ,
(ἀστέρας.

Ἐγὼ δ' ὑπέλαβον χρησίμους εἶναι
(θεοὺς

τ' ἀργύριον ἡμῶν καὶ τὸ χρυσίον.

Philemon in Πτερυγίῳ p. 376. ed. Mein.

Ἀργύριόν ἐστι· τοῦτ' ἐάν ἔχῃς, λέγε
Πρὸς τοῦθ' ὁ βούλει, πάντα σοι γε-
(γίσεται,

Φίλοι, βοηθοί, μάρτυρες, συννεμία.

3. *Vascula pure propere atque elue.* Assentior Goellero docenti, hyperbaton hoc loco extare, ut dictum sit pro *propere eluere*, quae ratio excusatur festinatione loquentis. Vid.

Noster Epid. in fine, *Lumbas surgite atque extollite.* Sic etiam Theocrit. Epig. XIX. 1.

Ἀρχιλόχον καὶ στάθι καὶ εἶσδε τὸν
(πάλας ποιητὰν.

Conf. porro Goell. ad Thucyd. III. 68.

6. *curare.* Proprium verbum est mensae, culinaeque. Noster Persa I. 3. 5.

Curate istis vos, atque appropriate Merc. III. 3. 21. (ocius.

Quin ergo imus, atque obsonium curamus. Horat. Epist. I. 4. 15.

Me pinguem et nitidum, bene curata (culis vices.

conf. Tibul. I. 5. 33.

Nam probrum atque partitudo prope adest ut fiat palam.
 Quod celatum est atque occultatum usque adhuc, nunc non potest. 10.
 Ibo intro, ut herus quae imperavit, facta, cum veniat, sient.
 Nam, ecaster, malum moerorem metuo ne mistum bibam.

ACTUS SECUNDUS. SCENA QUARTA.

STROBILUS. ANTHRAX. CONGRIO.

Postquam obsonavit herus, et conduxit coquos,
 Tibicinasque hasce apud forum, edixit mihi,
 Ut dispartirem obsonium hic bifariam.

Ant. Me tu quidem hercle hic tam palam non divides:
 Si quo tu totum me ire vis, operam dabo.

5.

Cong. Bellum et pudicum vero prostibulum popli!

Post si quis vellet te, haud non velles dividi?

Strob. Atqui ego istuc, Anthrax, alioversum dixeram,
 Non istuc, quod tu insimulas; sed herus nuptias

Meus hodie faciet. *Cong.* cujus ducet filiam?

10.

Strob. Vicini hujus Eucليونis e proximo.

9. *partitudo prope adest*: malo cum Douza fil. legere *prope adest*; quod magis Plautinum videtur. Per *probrum* veteres in universum omnia turpia famosaeque designabant; peculiariter de stupro et adulterio usurpabant. Noster Amph. III. 1. 9.

quam vir innotem probri
Amphitruo accusat. Festus in voce *probrum* Virginis Vestalis ut capite puniretur. Vid. Suet. Domit. cap. 8. ibique Torrentius.

12. *malum moerorem metuo.* Ex innumeris conjecturis libenter Gronovianam amplector, qui sic legit:

malum moerore metuo ne mistum
(bibam.
 et sic explicat; malum, cui additus sit moeror, ut vinum bibitur mistum aqua.

9. *Sed*, transitioni inservit. Plautus imprimis usitatum est, quum aliud quid sententiae subungere vult, voce *sed* novam incipere orationem. Amph. II. 1. 73.

Sed quid ais? num obdormicisti dum? Terent. And. V. 3. 15.

Sed quid ego me autem exscutio? Livius XXXVIII. 48.

Sed quid ego haec ita argumentor. Vid. Oudend. ad Apul. Met. II. p. 106.

Ei adeo obsonii hinc dimidium fuisse dari, Cocum alterum, itidemque alteram tibiernam.

Cong. Nampo hulo dimidium ducis, dimidium domum?

15. *Strob.* Nampo sicut dicis. *Cong.* quid? hic non poterat de suo Senex obsonari filiae in nuptiis?

Strob. Vah! *Cong.* quid negotii est? *Strob.* quid negotii sit, rogas? Pumex non aequè est aridus, atque hic est senex.

Cong. Ain' tandem? ita est ut dicis? *Strob.* tute existuma;

20. Quin divum atque hominum clamat continuo fidem,

Suam rem periisse, seque eradicarier,

De suo tigillo fumus si qua erit foras.

Quin cum it dormitum, follem obstringit ob gulam.

19. ain' tandem? In interrogatio-
nibus vox *tandem* maximam habet vim
urgendi; vel etiam indignantis est par-
ticula. Terent. And. III. 2. 12.

aut itane tandem idoneus
Tibi videor esse, quem tam aperte fal-
libid. V. 3. 4. (lere incipias dolis:

Ain' tandem, civis Elgvarium est?

Idem Phorm. II. 1. 1.

Itane tandem uxorem duxit Ansipho
(injussu meo?

Cicero Catil. I. 1. Quousque tandem
abutere, Catilina, patientia nostra.
Vid. Drakenb. ad Liv. III. 9. 9.

20. Quin divum etc. usque ad
v. 40. His versibus continetur ava-
rissimi senis descriptio, cum qua con-
ferendus Lucianus in Timone cap. 14.

ἄτοκα γὰρ πάλιν ἑρπαιέας αὐτοῦς,
ἐρῶντας μὲν εἰς ἀνερβολὴν, ἔσθ' δὲ
ἀπολαύειν, οὐδ' ἐνλαβόντας, οὐδὲ ἐν
ἀδελίας χρωμένους τῷ ἔρωτι, κρηϊότες
γε ὄντας, ἀλλὰ φυλάττειν ἐγγρηγο-
τας, ἕς τὸ σημεῖον καὶ τὸν μόχλῳ
ἀναρδαρυκτὴ βλέποντας, ἑκάστην
ἀπόλαυσιν οἰομένους, οὐ τὸ αὐτοῦς
ἀπολαύειν ἔχειν, ἀλλὰ τὸ μηδὲν
μεταδιδόναι τῆς ἀπολαύσεως.

23. follem obstringit ob gulam.

Merito Lambinus, qui hujus loci sen-
sum non cepit, a Douza reprehendi-

tur. Lamb. sic explicat: folles, quo

ignis accendi solet, gulam i. e. fistu-

lam, per quam ventus efflatur, vinculo

obturat Euclio, ne animam seu ventum

amittat folles, dum it dormitum ipse

Euclio. Quod et mihi a poetarum mente

plane aberrare videtur. Douza expo-

suit quasi esset folles, sacculi genus,

nummorum receptaculum scortum,

quod Euclio, ob irrequietam avaritiam

ipse ob eam obstringeret gulam: vid.

Douza: Cent. Plaut. pag. 67. seq. Ne-

que hoc mihi placet. Gronovianum

hujus loci explicationem aequè minus

accipiendam censeo; quam hic desori-

bam: Nihil hic mihi, nisi quod hoc

faciebat cubitum iturus. Nam et quum

in publicum irent, cum pecunia crum-

menam de ostio suspendebant. Id ille

faciebat etiam in lecto, furem noc-

turnum timens. Quam rogasset docui,

cur? illudens stupori ejus propter

donum falsam causam invenit: tan-

quam id faceret, ne inter spirandam

aliquid animae amitteret. Et coltan-

Cong. Cur? *Strob.* ne quid animae forte amittat dormiens.

Cong. Etiamne obturat inferiorem gutturem? 25.

[Ne quid animae forte amittat dormiens?]

Strob. Haec mihi te, ut tibi me aequum est credere.

Cong. Imo quidem credo. *Strob.* at scin' etiam quo modo?

Aquam hercle plorat, quom lavat, profundere.

Cong. Censen' talentum magnum exorari potesse 30.

Ab istoc sene, ut det qui sumus liberi?

Strob. Famem hercle, utendam si roges, nunquam dabit.

Quin ipsi pridem tonsor ungues demserat,

Collegit, omnia abstulit praesegmina.

Cong. Edepol, mortalem parce parcum praedicas. 35.

Censen' vero adeo esse parcum et misere vivere?

tur auditores, nihil tale expectantes, in risum, magis etiam quam continuat coquus jocum. — Nimis torta haecce mihi videntur. Plautum haec voluisse credo. Ita parcos, imo avarus est Euclio, ut, cum it dormitum, follem (quo ignis accenditur) suam obstringit ob gulam, ne inutiliter frustra que dormiens spiret ipse, sed aëre follis impleatur: insignis certe hyperbola, quali tamen saepe utitur Plautus, et quae sine dubio spectatorum risum movebat: ut haec ita acciperem fecerunt ea, quae respondet Strobilus ad quaestionem cur id faceret Euclio? ne quid animae forte amittat dormiens: amittere est perdere, damnum facere: et ea quae sequuntur, Etiamne obturat inferiorem gutturem? Versum 26. cum Bothio spurium dabo, ut natum ex versu 24. Strobilus versu 27. concedit se *ὑπερβολικῶς*, locutum, neque sibi credendum esse. Sic omnia, ut mihi saltem videtur, optime quadrant.

28. at sene: ut indignantis est et irati. Terent. Eun. III. I. 41.

At te Di perdant.

Virg. Aen. II. 535.

At tibi pro scelere, exclamat, pro
(talibus ausis.

Ovid. Epist. XII. I.

At tibi Colehorum, ubi vid. Heins. et clar. Peerlkamp ad Horat. Epod. carm. 15. p. 401. Similiter conjunctio *ἀλλὰ* nonnunquam apud Graecos comminandi vim habet. Tyrtaeus I. 15.

*ἢ τοι, ἀλλὰ πάχυνθε παρ' ἀλλή-
(ἀλλοι μέντοι τες.*

ubi vid. Klotz. p. 58, Herod. III. 36. *ἀλλ' οὐ το χαίρον.* ibique Valcken.

32. famem hercle utendam si roges, nunquam dabit. Conf. Molierius L'Avare, Act. II. Scen. V. *Il ne dit jamais, je vous donne, mais, je vous prête le bon jour.*

36. Censen' vero adeo esse parcum et misere vivere? Gallelmio non placebat frequens *τοῦ* parcum, repetitio: itaque hanc exogitavit lectionem.

Censen' vero adeo esse parum et mi-
(sere vivere?

haecce addens. An tu etiam censes cum parum edere, et genus suum

- Strob.* Pulmentum pridem eidem eripuit milius;
 Homo ad praetorem deplorabundus venit:
 Infit ibi postulare, plorans, ejulans,
 40. Ut sibi liceret milium vadarius.
 Sexcenta sunt quae memorem, si sit otium.
 Sed uter vestrorum est celerior? memora mihi.
Cong. Ego, ut multo melior. *Strob.* cocum ego, non furem, rogo.
Cong. Cocum ego dico. *Strob.* quid tu ais? *Ant.* sic sum, ut vides.
 45. *Cong.* Cocus ille nundinalis est: in nonum diem
 Solet ire coctum. *Ant.* Tun', trium literarum homo,
 Me vituperas? fur, etiam fur, trifurcifer!
Strob. Tace nunc jam tu: atque agnum, horum uter est pinguior...
Ant. Licet. *Strob.* tu, Congrio, eum sume...
 50. Atque abi intro illuc, et vos eum sequimini;
 Vos ceteri illuc ad nos. *Ant.* hercle injuria

defraudare? Et mehercule convenit admodum, ut qui avidissimam parsimoniam senis audisset, in fumo, aqua, praesegminibus, idem sciscitetur quas coenas esset, et qua in victu sit miseria, cujus rei insigne exemplum alter subjicit in pulmento.

38. *deplorabundus.* Plus significat quam flens, ejulans, lamentans: notat enim *deplorare* desperatione prorsus affectus gemere, omni spe sublata lamentari. Livius V. 40. *suam quisque spem, sua consilia, communibus deploratis, exsequentes.* Vid. Rupert. ad Liv. III. 38. 3. Plinius H. N. VII. 50. *Phalereus deploratus a medicis.*

40. *Vadarius.* Propria est, vadem postulare ab aliquo, qui promittat reum (unde petebatur) tempore constituto in jus venturum (ad vadimonium venturum); si desereret vadimonium, i. e. si statuto tempore non adesset, in carcerem conjiciebatur. Noster Pers. II. 4. 18.

Vadatur hic me — utinam eades de-
(sint, in carcere ut sis!)

Simpliciter accipitur pro in jus vocare. Vid. Gronov. Lect. Plaut. p. 51. seq. Ceteroquin haec imitatus est Molierius, L'Avare Act. III. Scen. V. *Celui-là conte qu'une fois vous fites assigner le chat d'un de vos voisins, pour vous avoir mangé un reste de gigot de mouton.*

44. *Sic cum ut vides.* Gruterus cum hisce confert Theocrit. Idyll. XXXII. 58. seq.

Ἀγχιος εἶ, πρὸς πάντα πάλιχρος,
(ἢ δ' ὑπερόπτης.
Τοιοῦ δ' οἶον ὄρας.

47. *etiam fur: etiam nonnunquam vim habet increpandi, ut hoc loco, et Pers. II. 4. 4.*

scelerate, etiam respicis!
 Petron. Satyr. cap. 21. *etiam dormire vobis in mente est: ubi vid.*
 Burman. et Bentl. ad Terent. And. V. 2. 3.

Dispertivisti: pinguiorem agnum isti habent.

Strob. At nunc tibi dabitur pinguior tibicina;

I sane cum illo, Phrygia; tu autem, Eleusium,

Huc intro abi ad nos. *Cong.* o Strobile, subdole,

55.

Huccine detrusisti me ad senem parcissimum?

Ubi si quid poscam, usque ad ravim poscam prius

Quam quicquam detur. *Strob.* stultum est et sine gratia

Ibi recte facere, quando quod facias perit.

Cong. Qui vero? *Strob.* rogitas? jam principio in aedibus

60.

Turba istic nulla tibi erit: si quid uti voles,

Domo abs te afferto, ne operam perdas poscere.

Hic apud nos magna turba ac magna familia est,

Suppeller, aurum, vestes, vasa argentea:

Ibi si perierit quippiam, (quod te scio

65.

Facile abstinere posse, si nihil obviam est,)

Dicant: coci abstulerunt; comprehendite,

Vincite, verberate, in puteum condite.

Horum tibi istic nihil eveniet: quippe qui

Ubi quid surripias, nihil est; sequere hac me. *Cong.* sequor. 70.

54. *I sane.* Saepe haec particula imperativi adjungitur, valdeque eorum vim auget. Terent. Heaut. III. 3. 27.

Abi sane istos. Livius I. 57. med.

58. *stultum est. . . . quod facias perit.* Hoc modo legendum puto, non, ut nonnullae editiones, *stultus et sine gratia es*; nempe hoc vult Strobilus: Stultus fui et demens, qui juveni te, hanc provinciam tibi dedi, licet socium eam non tibi placitum; dedi tamen, timens, ne vinoiri, verberari atque in puteum condi periclitaberis: tuae salutis causa feci, et ingratus mihi que molatus sum es. *Ibi veteres etiam usurpabant pro tuum.* Terent. And. II. 3. 5.

ibi culpam in te transferet.

Liv. II. 35. *ibi ira est suppressa* Vid. Drakenb. ad Liv. VII. 23. 4.

65. *Quod.* Significat *quomodo*. Prop. III. 1. 49.

Quod non Taenariis domus est mihi

(*fulsa columnis,*

Nec camera auratas inter oburna

. (*trabes.*

At Musae comites. Ovid. Epist. XVII.

51.

Quod genus et proavos et regia nomi- ubi vid. interpretes. (*na jactas.*

70. *Ubi quid surripias.* Gronov. legit *surripiat*, sic explicans: ubi qui quid surripiat, hoc est, qui fur sit, qui solens aliquid summanare velit, ei nihil est prompti atque parati. Omnes Codd. unico excepto, vocem igno-

ACTUS SECUNDUS. SCENA QUINTA.

STROBILUS. STAPHYLA. COCI.

Heus, Staphyla prodi, atque ostium aperi. *Staph.* qui vocat?
Strob. Strobilus. *Staph.* quid vis? *Strob.* hos ut accipias coquos,
 Tibicinamque, obsoniumque in nuptias.
 Megadorus jussit Euchiōni haec mittere.

5. *Staph.* Cererine, Strobile, has facturi nuptias.

Strob. Qui? *Staph.* quia temeti nihil allatum intellego.

Strob. At jam afferretur, si a foro ipse redierit.

Staph. Ligna hic apud nos nulla sunt. *Cong.* sunt asseres?

Staph. Sunt pol. *Cong.* sunt igitur ligna; ne quaeras foris.

rant, attamen requiritur: sed cum
 Lambino legere malo *surrupias*, quod
 magis praecedentibus convenit: paulo
 enim supra dixerat.

(quod te scio

Facile abstinere posse.) tum v. 69.

Horum tibi istic nihil eveniet.

1. *qui vocat?* Discrimen *qui* inter
 et *quis* non semper a scriptoribus ob-
 servatur. Cicero ad Div. XII. 18.
quo iste; nescio qui erumperet.
 Plaut. *Curc.* I. 2. 51. ●

qui me in terra aequo

Fortunatus erit.

Terent. *Adelph.* V. 6. 3.

O, qui vocare?

3. *in nuptias.* Finem vel causam
 nonnunquam praepositio *in* denotat:
 significat enim *in nuptias*, ad nup-
 tias celebrandas. Plaut. *Truc.* IV. 2. 27.

Dedi equidem hodie ei quinque ar-

(genti deferri minas,

Praeterea unam in obsonatum.

Seneca de Beneficiis IV. 1. inveniri-

tur qui honesta in mercedem colant.
 Propert. III. 2. 35.

Haec hederas legit in thyrsos; si-
militer Graeci. Pollux VI. cap. 7.
 Θουκυδίδης δὲ ἔφη: ἤτησεν εἰς
 δῶνιον τριώβολον. Vid. Oudend. ad
 Lucan. II. 151.

7. *ipse.* Antiquae pro *ipse* i. e.
 Megadorus; servi enim dominum suum;
 κατ' ἐξοχὴν, vocabant *ipsum*. Plaut.
Cas. IV. 2. 11.

Ego eo quo me ipse misit i. e.
hera mea. Terent. *Heoyr.* III. 4. 14.

Sed Pamphilum ipsum video. Dis-
 cipuli etiam magistrum sic nominare
 solebant. Sic Graecis αὐτὸς usurpatur.
 Aristoph. *Nub.* 218.

τίς γὰρ οὗτος ὄντι τῆς κερμάδας
 αὐτὸς. Τίς αὐτὸς; Σουκράτης. Vid.
 Casaub. ad Theoph. *Charact.* p. 24.
 edit. Duporti; et Hemsterh. ad Aris-
 toph. Plut. p. 335. Notum est Pytha-
 goricum αὐτὸς ἔφα.

Staph. Quid impurate? quanquam Vulcano studes,
Coenaene causa, aut tuae mercedis gratia

10.

Nos nostras aedes postulas comburere?

Cong. Hand postulo. *Strob.* duc istos intro. *Staph.* sequimini.

ACTUS SECUNDUS. SCENA SEXTA.

PYTHODICUS.

Curate; ego intervissam quid faciant coqui,
Quos pol ut ego hodie servem, cura maxima est;
Nisi unum hoc faciam, ut in puteo coenam coquant.

Inde coctam sursum subducemus corbulis.

Si autem deorsum comedent, si quid coxerint,

5.

Superi incoenati sunt, et coenati inferi.

Sed verba hic facio, quasi negotii nihil siet,

Rapacidarum ubi tantum siet in aedibus.

10. *impurate.* Est injuria sive convici-
viciu Latinis uelatum, quod huic
loco optime convenit, nempe coquo
dictum. miror obsceno sensu hoc a
Douza sumi, quem *impurus* vel *im-
puratus* significet, *improbus.* Terent.
Phorm. IV. 3. 64.

impuratus me ille ut etiam irrideat?
Ibid. V. 1. 69.

Tum hunc *impuratum* poterimus
(nostro modo ulcisci).

Adel. II. 1. 29.

O hominem *impurum*, ubi vid. Donat.

2. Servem: i. e. observem. Terent.

Adel. II. 1. 18.

Nam, curva: omittite mulierem.

3. *Nisi.* Saepe nisi significat sed.
Noster Rud. IV. 2. 8.

neque piaculum ullam unciam hodie
Pondo cepi, nisi hoc quod fero hic
Terent. Hecyr. I. 2. 117. (in rete.
quid egerint inter se nondum

(etiam scio;
Nisi sane curae est, quorsum even-
turum hoc siet.

Cicero ad Divers. XIII. 73. de re ni-
hil possum judicare; nisi illud mihi

certe persuadeo. Livius XXIV. 20.

appareretque non id modestia mili-
tium aut ducis, nisi ad conciliandos

Tarentinorum animos fieri. Ubi vid.

Drakenb.

ACTUS SECUNDUS. SCENA SEPTIMA.

EUCLIO. CONGRIO.

Volui animum tandem confirmare hodie meum,

Ut bene me haberem filiaī in nuptiis;

Venio ad macellum, rogito pisces: indicant

Caros; agninam caram, caram bubulam,

5. Vitulinam, cetum, porcinam; cara omnia:

Atque eo fuerunt cariora, aes non erat.

Abeo iratus illinc, quoniam nihil est qui emam.

Ita illis impuris omnibus adii manum.

Deinde egomet mecum cogitare inter vias

10. Occepi: festo die si quid prodegeris,

Profesto egere liceat, nisi peperceris.

Postquam hanc rationem cordi ventrique edidi,

Accessit animus ad meam sententiam,

3. *venio, rogito*: nonnunquam, et Graeci et Latini praesens tempus pro praeterito ponunt: quod vocatur praesens historicum, nam plerumque in narratione concitatiōis usurpatur. Eurip. supplic. v. 641.

*Κατανέως γὰρ ἦν λάτρης,
ὃν Ζεὺς κεραυνῷ περιπόλῳ κατα-
(θαλοῖ.*

Pansan. Achaic. p. 399. τὸ μὲν γένος πᾶν τὸ ἄρσεν ἀπέκτειναν, πλὴν ὅσοι τῆς πόλεως ἀλίσκομένης ἐκδιδράσκουσιν. Terent. Eun. IV. 7. 23.

cum tibi do istam virginem ubi Donat. dixit *do, pro darem*. Virg. Aen. IX. 2. 66.

Cratera antiquum quem dat Sidonia
(Dido.

Seneca Oedip. 848.

Huic aliquis a te traditur quondam
(puer?

3. *indicanť*. Indicare verbum proprium venditoris: locutionem explicat Gronov. Lect. Plaut. p. 52.

5. *cara omnia*. Conf. Theophr. Char. Eth. *Περὶ Μικρολογίας. καὶ ὅσα μικροῦ τις προιάμενος λογίζεται, πάντα φάσκειν εἶναι ἀγαθὰ.*

8. *manum adire alicui*: est phrasis elegantissima: postquam spem alicui dederis, cum ad rem ventum est, frustrari, et eundem fallere. Cas. V. 2. 54.

Quid nunc? satine lepide adita vobis Persa V. 2. 18. (est manus.

Quomodo de Persa manus mihi ad- Poen. II. 1. 11. (ita est.

Eo pacto avaras Veneri pulcre adit
(manum.

Unus Plautus hac utitur formula, sumpta fortasse a re Athletica. Gronov. Lect. Plaut. p. 53.

Quam minimo sumtu filiam ut nuptum darem.

Nunc tuscum emi et has coronas floreas:

15.

Haec imponentur in foco nostro Lari,

Ut fortunatas faciat gnatae nuptias.

Sed quid ego apertas aedes nostras conspicio?

Et strepitus est intus; numnam ego compilor miser?

Cong. Aulam majorem, si potes, vicinia

20.

Pete: haec est parva, capere non quit. *Euc.* hei mihi,

Perii hercle! aurum rapitur, aula quaeritur;

Nimirum occidit, nisi ego intro huc propere propero currere.

Apollo, quaeso, subveni mihi, atque adjuva,

Confige sagittis fures thesaurarios;

25.

Cui in re tali jam subvenisti antidhac.

Sed cesso, priusquam prorsus perii, currere?

ACTUS SECUNDUS. SCENA OCTAVA.

ANTHRAX.

Dromo, desquama pisces; tu Machaerio

Congruum, murenā exdorsua, quantum potes:

(Atque omnia, dum absum hinc, exossata fac sient.)

Ego hinc artoptam ex proximo utendam peto.

18.) *Sed quid ego:* transitionis est formula. Livius XXXVIII. 48. *Sed quid ego haec ita argumentor.* Vid. quae dixi ad II. 4. 9. Similiter Graeci dixerunt *τί δέ*. Aelian. Var. Hist. XII. 31. *τί δέ, οὐκ ἐκείνα τοῖς Ἑλλήσι τετραῖς ἀπόδειξις;*

1. *Machaerio.* Recte Goellerus dicit Gulielmum errasse, statuentem voce machaerio, significari cultelli coquinarum genus; sic pergit: Illud tu probat nomen esse Machaerionis: ne-

que opus habebat Anthrax addere, exdorsuandos pisces cultos esse. Scilicet id Plauti lectores fugit, opifices ab opificio aut opificii apparatu ducere nomina in his fabulis.

3. *Atque — sient.* Spurius hicce mihi videtur versus, natusque ex glossa ad *exdorsua*, quae hic continetur verbis *exossata fac sient*. Camerarius ea in MS. legit et de suo supplevit, cum non legatur hic versus in edd. Camerario prioribus. Vid. Gruterus ad hunc locum.

5. A Congrione; tu istum gallum, si sapias, illi utamur, ut illum canas)
 Glabriorem reddes mihi, quam volens ludii stitisse tibi aut canis
 Sed quid hoc clamoris oritur hinc ex proximo? autemque tibi canis
 Coqui hercle, credo, faciunt officium suum, autem aditum est tibi
 Fugiam intro, ne quid hic turbæ fiat itidem. ego ego tibi

ACTUS TERTIUS. SCENA PRIMA.

CONGRIO.

Optati cives, populares, incolae, accolae, advenae omnes, hinc
 Date viam, qua fugere liceat, facite totae plateae pateant;
 Neque ego unquam, nisi hodie, ad Bacchas veni in Bacchanal coqui-
 (natum:

Ita me miserum et meos discipulos fustibus male contuderunt.

5. Totus doleo, atque oppido perii: ita me iste habuit senex gymnasium.
 Neque ligna ego usquam gentium praeberi vidi pulchrius:
 Itaque omnis exegit foras me atque hos onustos fustibus.
 Attat, perii hercle ego miser, aperitur Bacchanal; adest;
 Sequitur. scio quam rem geram: hoc ipse magister me docet.

3. ad Bacchas veni in Bacchanal
 coquinatum. Recte Boxhornius hunc
 versum explicuisse mihi videtur, di-
 cens: veni in locum, in quo ad co-
 quendum destinato, non jam sunt ni-
 si furentes et Bacchantes. — Bacchus
 enim furoris praeses habebatur, unde
 apud Graecos, quae Bacchi festa cele-

brabant, saepe Μαινάδες vocantur.
 Eurip. in Bacch. v. 916.

*Εἰς τὴν πόλιν τῶν δαμνίων ὁδοῦναι ποί
 Σενὴν γυναικὸς μαινάδος βάρχης
 (ἔχον.

7. itaque. Pro et ita ut saepe. Livius
 l. 4. ita genti, itaque educato. Vidi
 Drakenb. ad Livium III. 30. 17.

ACTUS TERTIUS. SCENA SECUNDA.

EUCLIO. CONGRIO.

Redi: quo fugis nunc? tene, tene. *Cong.* quid tu, stolide, clamas?*Euc.* Quia ad tres viros jam ego deferam tuum nomen. *Cong.* quam-
(obrem?)*Euc.* Quia cultrum habes. *Cong.* hem, cecum decet. *Euc.* quid
(comminatus)Mihi? *Cong.* istuc malefactum arbitror, quia non latus fodi.*Euc.* Homo nullus est te scelestior qui vivat hodie, 5.

Neque cui amplius de industria male plus lubens faxim.

Cong. Pol etsi taceas, palam id quidem est: res ipsa testis est:

Ita fustibus sum mollior magis quam illus cinaedus.

Sed quid tibi nos, mendice homo, tactio est? quae res?

6. *amplius plus.* Plautus saepe apud Plautum saepissime obviam fit: incrementum quoddam, pleonasmī speciem referens, vim sententiae vero insigniter augens, comparativis addit. Menaechi. prol. v. 55.

magis majores nugas egerit.
Stich. V. 4. 22.

imo enim hic magis est dulcius.
Mercat. V. 2. 57.

nequa est cui magis me velle melius
(aequum est).

Similiter Graeci. Hom. Iliad XXIV. 203.
ἤντερον μᾶλλον.

Herod. I. 32. *μᾶλλον ἀβιωτέρος ἐστι.*
Eusip. Hippel. 490. *λόγος μᾶλλον ἀ-*

γίων κλύειν. Isocrat. Archid. p. 138.
B. C. *πολὺ μᾶλλον κρείττον.* Vid.

Berneccerus ad Just. III. 2. 7. et
Wesseling. ad Herod. VII. 143.

9. *nos tactio est.* Saepē nominibus
verbalibus in iis, eodem casu jun-
gere solent Latini, quos verba regunt:

hac eadem fab. IV. 10. 14. Latina
exempla praebet Heusing. ad Vechneri
Hellenol. p. 264. Etiam Graecis hoc
commune erat. Plato Apolog. 17. *ἡ ἐμὴ*
τῷ θεῷ ὑπερησμία. Aelian. Var. Hist.
II. 41. extremo. *Κλείω εἰς ἀμύλλαν*
λοῦσα, οὐ γυναιξὶ μόναις, ἀλλὰ καὶ
τοῖς ἀνδράσι τοῖς συμπλέκας, θει-
νοτάτη πλεῖν ἦν. Conf. Wesseling ad
Diod. Sic. I. 4. et ad Herod. VII. 16.

9. *quae res?* Solemnis formula qua
utebantur admirantes, stomachantes,
et indignatione perciti. Persa III. 1. 32.

quae haec res sunt?
Ibid. V. 2. 65. et Poenul. V. 4. 20.

Similiter Graecis fere οἶον habet vim
admirandi. Odyss. II. 239.

οἶον πάντες
ἦσαν ἄνθρωποι. Aristoph. Pace 33.

οἶον δὲ κύβας ὁ κατάρατος ἱσθίει.
Vid. Valcken. ad Phoeniss. 1633.

10. *Euc.* Etiam rogitas? an quia minus, quam aequom erat, feci?
Cong. Sine: at hercle cum magno malo tuo, si hoc caput sentit.
Euc. Pol ego haud scio quid post fuit: tuum nunc caput sentit.
 Sed in aedibus quid tibi meis nam erat negoti
 Me absente, nisi ego jusseram? volo scire. *Cong.* tace ergo.
15. Quia venimus coctum ad nuptias. *Euc.* quid, malum, curas
 Tu, utrum crudum an coctum edam, nisi tu mihi es tutor?
Cong. Volo scire, sinas, an non sinas nos coquere hic coenam.
Euc. Volo scire ego item, meae domi mea salva futura?
Cong. Utinam mea mihi modo auferam, quae attuli, salva.
20. Me haud poenitet, tua ne expetam. *Euc.* scio, ne doce: novi.
Cong. Quid est, qua prohibes nunc gratia nos coquere hic coenam?
 Quid fecimus? quid diximus tibi secus quam velles?
Euc. Etiam rogitas, sceleste homo, qui angulos omnis
 Mearum aedium et conclavium mihi perviam facitis?
25. Id ubi tibi erat negotium, ad focum si adesses,
 Non fissile haberes caput; merito id tibi factum est.
 Adeo ut meam sententiam jam noscere possis;
 Si ad januam huc accesseris, nisi jussero, propius,
 Ego te faciam, miserrimus mortalis uti sis.
30. Scis jam meam sententiam? quo abis? redi rursum.
Cong. Ita me bene amet Laverna, te jam, nisi reddi

11. *Sine.* Minantis est: Noster
 Asin. V. 2. 48.

sine! venias modo domum.

Mostel. I. 1. 10.

sine modo adveniat senes.

Terent. Eun. I. 1. 20.

sine modo,
 mori me malim: sentiet quis vir siem.

20. *haud poenitet.* Lambinus rec-
 te explicavit: nam *haud poenitere*
 interdum eleganter significat, conten-
 tum esse, gaudere. Vid. Ernest. clav.
 Cicer. in voce.

30. *scis jam meam sententiam?*

tollo signum interrogationis, ut habeat
 versus vim quandam comminandi.

31. *Laverna.* Hanc deam Romani
 precabantur ut instituta sua, et con-
 silia furandi ac mentiendi fortunaret.
 Horat. I. Ep. 16. 60.

Pulchra Laverna,
Da mihi fallere, da justum sanc-
(tumque) videri.
 Graeci in eadem re orabant *τῇ Λα-
 ξιδίχῃ*, quae furandi consilia ad ef-
 fectum duceret. Erat autem ea Dea
 tantum ospirit, sine reliquo corpore.
 Scalig.

Mihi vasa jubes, pipulo differam hic ante aedis. —

Quid ego nunc agam? nae ego edepol veni huc auspicio malo;

Nummo sum conductus: plus jam medico mercede opus est.

Euc. Hoc quidem hercle, quoquo ibo, mecum erit, mecum feram, 35.

Neque istuc in tantis periculis unquam committam ut siet.

Ite sane nunc jam intro omnes, et coqui, et tibicinae;

Etiam, introduce, si vis, vel gregem venalium.

Coquite, facite, festinate nunc jam quantum lubet.

Cong. Temperi, postquam implevisti fusti fissorum caput. 40.

Euc. Intro abi: opera huc conducta est vestra, non oratio.

Cong. Heu, senex, pro vapulando hercle ego abs te mercedem petam;

Coctum ego, non vapulatum dudum conductus fui.

Euc. Lege agito mecum: molestus ne sis; i, et coenam coque

Aut abi in malum cruciatum ab aedibus. *Cong.* abi tu modo. 45.

32. *Differam.* Differre, inquit Nonius, valet interdum diffamare, et hunc locum affert: etiam Terentius hoc sensu usurpat. And. II. 4. 4.

orationem sperat invenisse se,

Qua differat te. Graeci utuntur verbo

ἐνδαισθαι. Enrip. *Hercul. fur.* 218. λέ-

γους ἐνδαισθῆναι ἡραξ ἐνδαισθῆναι.

Vid. interpretes ad Hesych. Sophoc. *Trach.* 791.

τὸ δυνάμενον λέκτρον ἐνδαισθῆναι.

(ros,

ubi vid. Brunck. *pipulo* id est con-

vicio vel ploratu. Omnino vid. Lam-

binus, qui recte locum explicavit.

36. *committam.* Donatus ad Te-

rent. And. I. 43. *committimus magna*

et quae salutem in dubio habent: vid.

etiam ad And. III. 5. 3.

40. *implevisti fusti fissorum ca-*

put. Fissa sunt vulnera ut paulo su-

pra eadem scena vers. 26.

non fissile haberes caput.

Ad constructionem quod attinet, conf.

Lucian. in *Timon.* cap. 57. φέρε νο-

τὴν κεφαλὴν ἐμπλήσω κορυφῶν.

44. *Lege agito mecum:* lege age-

re cum aliquo, vel in aliquem, du-

plicem habet significationem: primo

notat in jure, id, quod lege quadam

institutum est, agere, ut hoc loco,

et Terent. *Phorm.* V. 7. 91. ubi Do-

nat. haec: dicebatur ei *cujus intentio*

contemptibilis adversario videbatur —

Deinde significat, supplicium sumere

de aliquo, formula legitima. Valer.

Max. III. 8. *Literas in sinistra ma-*

nu, sicut erant traditae, reposuit,

ac jussu lictore jure agere, tum de-

munum aperuit. Livius XXVI. 15. *Ful-*

vius praeconi imperavit, ut licto-

rem lege agere juberet: ibid. 16. vid.

Ernest. clav. Cicer. voce *Lex.*

ACTUS TERTIUS. SCENA TERTIA.

EUCLIO.

- Illic hinc abiit; Di immortales, facinus audax incipit,
 Qui cum opulento pauper coepit rem habere aut negotium.
 Veluti Megadorus tentat me omnibus miserum modis,
 Qui simulavit mei honoris mittere huc causa coquos:
 5. Is ea causa misit, hoc qui surriperent misero mihi.
 Condigne etiam meus me intus gallus gallinaceus,
 Qui erat anui peculiaris, perdidit paenissime;
 Ubi erat haec defossa, cocepit ibi sculpturire ungulis
 Circumcirca; quid opus est verbis? ita mi pectus peracuit:
 10. Capiō fustem, obtrunco gallum, furem manifestarium.
 Credo ego illi edepol mercedem gallo pollicitos coquos,
 Si id palam fecisset; exemi e manu manubrium.
 Quid opus est verbis? facta est pugna in gallo gallinacco.

2. *cum opulento pauper.* Similiter Terent. Phorm. IV. 3. 48.

Veniebat in mentem ejus incommo-
(dum,
In avaritatem pauperem ad ditem
(dari.

4. *Simulavit mittere.* Saepe nomina personalia in accusativo omituntur. Cicero de Offic. I. 1. qui libri jam illis fere aequarunt Virg. Aen. X. 103. Tum Zephyri posuerat. Vid. Ruhnk. ad Rut. Lup. I. p. 41.

6. *condigne.* Vocabulum Plauto frequens, significans, *digne te*, ἀξίως σου: plerumque in malam partem, saltem de fraudulento, fallaci, perfidoque usurpatur. Bacchid. III. 2. 8. Menaech. V. 5. 8. Poen. II. v. 17.

9. *ita.* Quod Gronov. Observ. III. 21. dicit, *ira* legendum esse, vereor

ut rectum sit. Ita significat non semel, valde, graviter, vehementer. Ne pos Pelop. 2. Magnas saepe res non ita magnis copiis sunt gestae. Livius IV. 12. nisi quod ex Etruria haud ita multum frumenti advectum est. Etiam posset explicari per propterea, ut Livii l. 10. ita per se ipsum nomen Caecinum in agrum Romanum impetum facit.

11. *Credo ego illi edepol mercedem gallo pollicitos coquos.* Videtur Plautus hoc loco Aristophanem imitatus esse. Similiter enim fere comicus Graecus in Vespis. 100. seq. τὸν ἀλεκτρονότα δ', ὃς ἦδεν ἐφ' ἐσπέρας, ἔφη, ὡς ὅψ' ἐγείρειν αὐτὸν ἀναπεπαισμένον, παρὰ τῶν ὑπευθύνων ἔχοντα χρήματα.

Sed Megadorus meus affinis, eccum, incedit a foro.

Jam hunc non ausim praeterire, quin consistam et colloquar. 15.

ACTUS TERTIUS. SCENA QUARTA.

MEGADORUS. EUCLIO.

Narravi amicis multis consilium meum

De conditione hac, Euclionis filiam

Laudant: sapienter factum, et consilio bono;

Nam, meo quidem animo, si idem faciant ceteri

Opulentiores, pauperiorum filias

Ut indotatas ducant uxores domum,

Et multo fiat civitas concordior,

Et invidia nos minore utamur, quam utimur;

Et illae malam rem metuant, quam metuunt, magis;

15. *quin*. Significat *potius*. Sic etiam accipiendum Terent And. I. 1. 18.

Quin in uno verbo dic, quid est quod
(*me velis*.)

Vid. Drakenb. ad Liv. II. 29. 8.

2. *Euclionis filiam laudant: sapienter factum*. Haec sic accipio. Probant amici me Euclionis filiam uxorem ducere; et haec probatio mihi sapientiam eorum declarat, eosque bono esse consilio. Tum melius sequentia procedunt. Megadorus enim garrulus est Senex, ut et hac ipsa scena videre est: valde amat philosophari, ut supra jam Act. II. Scena 1 et 2 vidimus.

4. *opulentiores — domum*. P. Victorius confert Platonem de Legib. VI. p. 738. τοίνυν φῶμεν ἀγαθῶν πατέρων φύντι, τοὺς παρὰ τοῖς ἱμπεροσιν ἐνδοξοὺς γάμοις χρῆ γαμεῖν, οἷ σοι παραινοῦσεν ἂν μὴ φεύγειν τὸν τῶν πενήτων. μηδὲ τὸν τῶν πλουσίων

διώκειν διαφερόντως γάμον, ἀλλ' ἐὰν τ' ἄλλα ἰσάζῃ, τὸν ὑποδεέστερον ἀεὶ τιμῶντα εἰς τὴν κοινωνίαν ἐννέειναι. τῇ τε γὰρ πόλει εὐμφορον ἀνείηται· τῇ ταῖς τε ἐννοούσαις ἐοτίαις· τὸ γὰρ ὁμαλὸν καὶ εὖμετρον ἀκράτου μνηρίον διαφέρει πρὸς ἀρετὴν.

9. *malam rem metuant*. Non assentior Pistori, *malam rem*, per *malas artes* exponenti; magis mihi aridet Lambini explicatio, ad impudicitiae poenam referentis. Opulentiorum uxores, quippe quae ex virginibus indotatis ductae, magis metuant pudicitiam violare; ne repudium illis renuntiaretur; quod viris facere concessum erat: hoc metuant, ne ex conditione splendida lautiorque, ad duram asperamque, qua antea utebantur, paupertatem redire cogarentur. Haec enim erat formula divortium remittendi: *Res tuas tibi habeto*.

10. Et nos minore sumtu simus, quam sumus.
 In maximam illuc populi partem est optimum;
 In pauciores avidos altercatio est,
 Quorum animis avidis, atque insatietatibus,
 Neque lex, neque tutor facere est qui possit modum.
15. Namque hoc qui dicat, (quo illae nubent divites
 Dotatae, si istud jus pauperibus ponitur?)
 Quo lubeat nubant, dum ne dos fiat comes.
 Hoc si ita fiat, mores meliores sibi
 Parent, pro dote quos ferant, quam nunc ferunt.
20. Ego faxim, muli, pretio qui superant equos,
 Sint viliores Gallicis cantheriis.
Euc. Ita me di amabunt, ut ego hunc ausculto lubens:
 Nimis lepide fecit verba ad parsimoniam.
Meg. Nulla igitur dicat; Equidem dotem ad te adtuli
25. Majorem multo, quam tibi erat pecunia;
 Enim mihi quidem aequum est, purpuram atque aurum dari,

14. *facere modum*: plerumque legitur *capere modum*, Lambinus jam coniecit *facere*, et recte ut videtur; *modum capere*, est sibi constituere, imponere; *facere* autem, est alteri fines determinare. Livius XXXIV. 4. *Sic cupiditates prius natae sunt quam leges, quae iis modum facerent.*

20. *ego faxim*: significat certo crederem, sine dubio res ita se haberet, ut: vid. *Amphit. Act. I. 3. 13.*

Ego faxim te Amphitruonem esse matrem (lis quam *jovem*.
 conf. Lindeman. ad *Plaut. Capt. prol. 65.* in edit. trium *Plaut. Comoed.*

23. *ad parsimoniam*. Nonnunquam praep. *ad* relationem quandam notat ut. *Terent. And. III. 2. 2. signa ad salutem* *Caes. B. C. III. 101. reliquis rebus quae sunt ad incendia.* Livius

XXII. 19. *miles ad naves.* Livius XXXIV. 6. *servos ad remum cum stipendio nostro dabamus.* vid. ibi Gronov. Eodem modo Graeci utuntur praepositione *εἰς*. Euripides *Orest. vs. 533.*

ἐγὼ δὲ τ' ἄλλα μακάριος πέφυκ' ἀνὴρ, πλὴν εἰς θυγατέρας. Troad. 1170. *ὅθ' "Ἐκτορος μὲν εὐτυχούντος εἰς (δόρυ).*

26. *enim*. Non semel haec vox abundare videtur, ut *Casin. II. 6. 14. mihi enim?* eadem *Scen. v. 20. dicam enim.* Virg. *Georg. III. 70. Semper enim refice.* ubi vid. Servius. Ovid. *Metam. XIV. 641. Animadvertendum insuper est, vox enim, quae semper secundum obtinet locum, hic ab initio poni; illud vero solis comicis usitatum est. Noster* *Caes. V. 2. 14. Bacch. IV. 4. 51. Terent. Hec. II. 1. 41.*

Ancillas, mulos, muliones, pedissequos;

Salutigerulos pueros, vehicula, qui vehar.

Euc. Ut matronarum hic facta pernovit probe;

Moribus praefectum mulierum hunc factum velim.

30.

Meg. Nunc quoquo venias, plus plaustrorum in aedibus

Videas, quam ruri, quando ad villam veneris.

Sed hoc etiam pulchrum est, praequam ubi sumtus petunt.

Stat fullo, phrygio, aurifex, lanarius,

Caupones patagiarii, indusiarii, 35.

Flammearii, violarii, carinarii,

Aut manulearii, aut murebrecharii,

Propolae, linteones, calceolarii,

Sedentarii sutores, diabathrarii;

Solearii astant, astant molochinarii;

40.

Petunt ciniflones, sarcinatores petunt;

Stropharii astant, astant semizonarii.

Jam hosce absolutos censeas: cedunt, petunt

Trecenti; circumstant phylacistae in atriis,

Textores, limbolarii, arcularii;

45.

Ducuntur aes datur

Jam hosce absolutos censeas

Cum incedunt infectores crocotarii;

Aut aliqua mala crux semper est, quae aliquid petat.

Euc. Compellarem ego illum, ni metuam ne desinat 50.

Memorare mores mulierum: nunc sic sinam.

28. *qui vehar.* Qui, est ablat. sing. attamen videtur etiam ad pluralem referri posse numerum, ut Capt. V. 4. 6. *coturnices dantur, quicum lusiunt.* Cato de Re Rust. XI. 2. *cola, qui florem demant.*

36. *carinarii.* Sunt ii qui cerino colore pannum inficiunt: nam cera dōrice est *καρός*, quae aliter *χηρός* dicitur. Turneb.

39. *Diabathrarii:* de hac voce vid. Festus in voce *Diabathra.*

45 usque ad 47. *Textores — censeas.* In hisce versibus ordinandis Goellerum secutus sum, lacunas inesse statuentem, licet Bothius verba, mutato ordine vulgato, in justos transposuerit versus. Rationes, quas Goellerus hanc in rem affert, fecerunt, ut ei adsentirer.

Meg. Ubi nugigerulis res soluta est omnibus,
Ibi ad postremum cedit miles, aes petit;
Itur, putatur ratio cum argentario.

55. Impransus miles astat, aes censet dari.

Ubi disputata est ratio cum argentario,
Etiam ipse ultro debet argentario
Pro illis crocotis, strophis, sumtu uxorio.
Spes prorogatur militi in alium diem.

60. Haec sunt atque aliae multae in magnis dotibus

Incommoditates, sumtusque intolerabiles.
Nam quae indotata est, ea in potestate est viri;
Dotatae mactant et malo et damno viros;
Sed eccum affinem ante aedes; quid agis, Euclio?

65. *Euc.* Nimium lubenter edi sermonem tuum.

Meg. Ain' audisti? *Euc.* usque a principio omnia. *Meg.* et tamen,
Meo quidem animo, paulo facias rectius,
Si nitidior sis filiae nuptiis,
Euc. Pro re nitorem et gloriam pro copia.

54. *putatur ratio.* i. e. Summa
pura redditur, ratio subducitur, se-
cernitur quid sui sit, quidve alieni:
vid. Gronov. Lect. Plaut. p. 54.

58. *Pro illis crocotis* etc. Cum
Gulielmio hunc versum e Nonio, hoc
loco inserendum puto.

63. *mactant et malo et damno.*
Mactare proprie est augere, nempe
derivatum a *magis auctare*; unde
mactus verbum antiquum, quod in
formula, *macte virtute*, remansit.
Cicero Tuscul. I. 17. Sic et Liqius
VII. 36. dixit, *macti virtute*, mili-
tes Romani, este. Proprio est vox
sacrorum; *mactare infortunio*, *ma-
lo*, *damno*, solemne Plauto est. Vid.
Gronov. Lect. Plaut. p. 55.

65. *edi sermonem tuum.* Translative
edere, gustare, devorare, similibus,

sermonem, dicta, pro audire frequen-
ter utitur Plautus e. g. Asin. III. 3. 59.

auscultate, et mea dicta devorato.

Poen. V. 2. 9.

quam orationem hanc aures dulcem
Mostel. V. 1. 15. (devorant!

gustare ego ejus sermonem volo.

Neque aliis hoc inasolena. Horat. Carm.
II. 13. 32.

Densum humeris bibit aure vulgus.
Ovid. Trist. III. 5. 14.

Et lacrimas cernens in singula ver-
(ba cadentes,

Ore meo lacrimas, auribus illa bibi.
Propert. III. 4. 8. Vid. Priscus ad
Apul. Metam. I. p. 1.

69. *pro re — pro copia.* Non-
nulli volunt *prae re — prae copia*:
omnino cum Gronovio *pro re — pro
copia* legendum, atque in fine verus

Qui habent meminerunt sese unde oriundi sient.

70.

Neque pol, Megadore, mihi, neque cuiquam pauperi

Opinione melius res structa est domi.

Meg. Imo est, et dii faciant uti siet,

Plus plusque istuc sospitent, quod nunc habes.

Euc. Illuc mihi verbum non placet: quod nunc habes.

75.

Tam hic scit me habere, quam egomet; anus fecit palam.

Meg. Quid tu te solus e senatu sevocas?

Euc. Pol ego, ut te accusem merito meditabar. *Meg.* quid est?

Euc. Quid sit me rogitas? qui mihi omnis angulos

Furum implevisti in aedibus misero mihi;

80.

Qui mihi intromisti in aedes quingentos coquos,

Cum senis manibus, genere Geryonæeo;

Quos si Argus servet, qui oculus totus fuit,

Quem quondam Joni Juno custodem addidit,

punctum ponendum videtur. Vid. Gronov. in nota ad hunc locum; locis, ab eo allatis haec addo: Ciceronis de Senectute cap. 9. *agere pro viribus.* pro Domo 41. *pro suis opibus.* Nepotis Epam. 3. *pro facultatibus.*

75. *Illud mihi verbum non placet, quod nunc habes.* Conferatur Moliærius L'Avare Act. I. Scen. V. postquam avaxi filius dixerat, *vous avez assez de bien*, pater respondet: *cela est étrange, que mes propres enfants me trahissent, et deviennent mes ennemis.*

81. *mihi intromisti in aedes:* non placet frequens illa repetitio *pron. mihi*; legendum censeo ut habet editio Gronov. *qui intromissi in aedibus*; nam veteres motum ad locum saepe per *in* cum *ablat.* exprimunt. Noster Amphit. IV. 3. 14.

intrompam in aedibus;

Phaedr. V. 1. 15.

quinam cinaedus ille in conspectu meo

audet venire? ubi vid. Burman. E contrario, ubi ex legibus grammaticis *ablativus* requiritur: saepe utuntur accusativo, ut Noster Amph. I. 1. 25. *numero mihi in mentem fuit.*

Bauh. I. 2. 53.

eaquid in mentem est tibi.

Livius XXXIII. 10. *parcere victis in animum habebat.* Gellius I. 7. Similiter Graeci *ἐν* pro *εἰς*. Thucyd. IV. 14. *ταῖς δὲ λοιπαῖς ἐν τῇ γῇ καταπεγευγνίαις ἐνέβαλλον*, ubi vid. Goellerus. Sophoc. Ajax. 80.

ἐμοὶ μὲν ἀρκεῖ ταῦτον εἰς δόμον (μέγαν.

vid. Valesk. ad Theoc. Adonias. p. 364.

84. *quem quondam — addidit.* Subditiçius hiece videtur versus: vid. ea. de re Bothius et Goellerus: ceteroquin *addere* solemne in tali re verbum Noster Capt. III. 5. 50.

cui me custodem addiderat herus (major meus.

Mil. Glor. II. 6. 69. Hor. Carm. III. 4. 78.

85. Is nunquam servet : praeterea tibioinam ;
 Quae mihi interbibere sola , si vino scatet ,
 Carinthiensem fontem Pirenem potest.
 Tum obsonium autem ! *Meg.* pol. vel legioni sat est ,
 Etiam agnum misi. *Euc.* quo quidem agno , sat scio ,
90. Magis curionem nusquam esse ullam belluam.
Meg. Volo ego ex te scire , qui sit agnus curio.
Euc. Qui ossa atque pellis totus est , ita cura macet.
 Quin exta inspicere in sole etiam vivo licet ,
 Ita is pellucet quasi laterna Punica.
95. *Meg.* Caedundum illum ego conduxi. *Euc.* tum tu idem optimum est
 Loces efferendum , nam jam , credo , mortuus est.
Meg. Potare ego hodie , Euclio , tecum volo.
Euc. Non potem ego quidem , herole. *Meg.* at ego jussero
 Cadum unum vini veteris a me afferrier.

86. *interbibere.* Inter in compositis saepe significat , *penitus* , *omnino* , *plane* ; vid. Donat. ad Terent. And. IV. 1. 39.

89. *etiam.* Hoc loco cum ironia quadam positum ; significat *scilicet* , *nempe* ; sic et Graeci utuntur voce *καί*. Homer. Iliad. V. 362.

Τυδείδης, ὅς τ' ὦν γε καὶ ἐν δαί πα-
(τρί μάχοντο.

Eurip. Iphig. T. 352.
καὶ τοῦτ' ἔρ' ἦν ἀληθές.

Vid. Valcken. ad Eurip. Phoenis v. 277. pag. 98 seq.

92. *ossa atque pellis totus est.* Similis locus exstat Capt. I. 2. 32.

Ossa atque pellis sum misera macri-
(tubina.

Sic enim ibi legendum monuit Bosscha ; non , ut vulgo , *misera macritudine*. Theocrit. II. 89.

αὐτὰ δὲ λοιπὰ
δοτέ' ἔτ' ἤς καὶ δέγμα.

ubi haec dedit Casaub. Lect. Theocrit. p. 70. hunc Aululariae locum afferens : Theocriti imitationem ; vel potius *συνέμπωον* , in dicta paria et similia , non uno loco deprehendas in Plauto. — Porro cons. Theocrit. IV. 15.

τὰς πόρτιος αὐτὰ ἀλλεπτὰ
ἔδωκέα. Apoll. Argon. II. 201.
ῥῖνοι δὲ σὺν δονέα μούνοι ἔργον.

94. *laterna.* Cur Goellernus *luderna* legat plane me fugit ; varians lectio , quae nusquam , quantum scio reperitur.

96. *loces efferendum.* Similiter fere Aristoph. in Pluto v. 1006 seq. *Γε! καὶ μὴν πρὸ τοῦ γ' ὀσημέραι, ἢ*
(τῷ θεῷ,
ἐπὶ τὴν θύραν ἐβάδιζεν, δὲ τὴν
(ἐμῇ.
Χρ. ἐπ' ἐφορᾷν. Γε. μὲ τίς, ἀλλὰ
(τῆς φωνῆς μόνον
ἐρῶν ἀκούσαι.

Euc. Nolo hercle: nam mi bibere decretum est aquam. 100.

Meg. Ego te hodie reddam madidum, si vivo, probe,
Tibi cui decretum est bibere aquam. *Euc.* scio quam rem agat;
Ut me deponat vino, eam affectat viam;

Post hoc, quod habeo, ut commutet coloniam.
Ego id cavebo, nam alicubi abstrudam foris. 105.

Ego faxo, et operam et vinum perdiderit simul.
Meg. Ego, nisi quid me vis, eo lavatum, ut sacrificem.

Euc. Edepol, nae tu, Aula, multos inimicos habes,
Atque istuc aurum, quod tibi concreditum est.
Nunc hoc mihi factum est optimum, ut te auferam, 110.

Aula, in Fidei fanum; ibi abstrudam probe.

Fides, novisti me, et ego te: cave sis, tibi

Ne tu immutassis nomen, si hoc non creduo.

Iho ad te fretus tua, Fides, fiducia.

103. *deponat vino.* i. e. me tam erat in nuptiis, ut patet ex Act. IV.
ebrium reddat, ut sim mortui instar; 2. 5. ubi, abstruso thesauro, a Fidei
depositus enim saepe est mortuus; Ovid. *fano rediens haec dicit*

Trist. III. 3. 40. *Nunc lavabo, ut rem divinam faciam,*

Depositum nec me qui fleat ullus (ne affinem morer.
(erit. Aulam vero certo quodam loco conde-
re in animo habebat. Vide infra v.

Virg. Aen. XII. 395. 110 seq.

Ille ut depositi proferret fata pa-
(rentis. 106. *operam et vinum perdiderit;*

Sic fere Propert. III. 9. 56. *lingua*
sepulta mero. Pro *sepelire* non semel
vox *componere* occurrit. Horat. Sat.
I. 9. 28. Ovid. Fast. V. 426. Ovid.
Amor. I. 4. 53. *dixit compositus som-*

no vinoque. Vid. Gronov. Lect. Plaut.
p. 56. Graeci dicunt *καθίζεν οίνω*

περὶ, de qua formula vid. Casaub.
lect. Theocrit. p. 55. edit. Reiskii.

105. *nam alicubi.* Gellius per-
peram, ut videtur, effudit: *me alicubi;*

neque ulla Codd. auctoritate nisi
non enim Euclio se ipsum condere

aut occultare voluit, nam adfuturus
videtur.

ACTUS QUARTUS. SCENA PRIMA.

STROBILUS.

Hoc est servi facinus frugi, facere quod ego persequor:

Nam qui hero ex sententia servire servus postulat,

In herum matura, in se sera condecet capessere;

Nec morae molestiaeque imperium herile habeat sibi.

5. Sin dormitet, ita dormitet, servum sese ut cogitet.

Nam qui amanti hero servitutem servit, quasi ego servio,

Si herum videt superare amorem, hoc servi esse officium reor,

Retinere ad salutem: non eum, quo incumbat, eo impellere.

Quasi pueris, qui nare discunt, seirpea induitur ratis,

10. Qui laborent minus, facilius ut nent, et moveant manus;

Eo modo servom ratem esse amanti hero aequum censeo,

Ut toleret, ne pessum abeat, tanquam.....

Heri imperium ediscat, ut, quod frons velit, oculi sciant;

Quod jubeat, citis quadrigis citius properet persequi.

15. Qui ea curabit, abstinebit censione bubula,

Nec sua opera unquam rediget in splendorem compedes.

Nunc herus meus amat filiam hujus Euclionis pauperis:

2. *Nam qui hero — habeat sibi.* Goellerum secutus sum, ordinem horum versuum mutantem.

12. *tanquam.* Mss. lacunam praebent, ut perhibet Lambinus, post *tanquam*, quam explere conatus est, addens *catapirates maris*. Salmasius vero, negans codicibus inesse lacunam, sic scribendum censet

*Tamque herile imperium ediscat, ut
(quod frons velit, oculi sciant.*

i. e. Adeo ediscat imperium herile, ut quod vultus velit heri, eum videndo norit.

14. *citius quadrigis:* proverbialis

locutio pro, maxima cum celeritate. Saepo ea Plautus utitur. Amph. I. 1. 294.

quadrigas si nunc incedas Jovis Aen. II. 2. 13. Boen. F. 2. 156.

illum jubeo quadrigis cursim ad eam (nisi cum rapi.

15. *censione bubula.* Turnebus recte explicavit dicens: censionem bubulam, festiva vocavit verbera lori bubuli, cujus censura in servos animadvertitur. Itaque *censio*, quae proprie est *acclamatio*, τιμωρία, hic est *animadversio*, τιμωρία. Vid. insuper Festus in voce.

Eam hero nunc renunciatum est nuptum huic Megadoro dari.
 Is speculatum huc misit me, ut quae fierent fieret particeps.
 Nunc sine omni suspicione in ara hic assidam sacra ;
 Hinc ego et huc et illuc potero, quid agant, arbitrarier.

20.

ACTUS QUARTUS. SCENA SECUNDA.

EÜCLIO. STROBILUS.

Tu modo cave cuiquam indicassis, aurum meum esse istio, Fides;
 Non metuo, ne quisquam inveniât: ita probe in latebris situm est.
 Edepol nae illic pulchram praedam agat, si quis illam invenerit
 Aulam onustam auri; verum id te quaeso ut prohibeas, Fides.

Nunc lavabo, ut rem divinam faciam, ne affinem morer, 5.

Quin, ubi arcessat, meam extemplo filiam ducat domum.

Vide, Fides, etiam atque etiam nunc, salvam ut aulam abs te auferam.

Tuae fidei concredidi aurum: in tuo luco et fano est situm.

Strob. Di immortales! quod ego hunc hominem facinus audio loqui?

Se aulam onustam auri abstrusisse hic intus in fano; Fides, 10.

Cave tu illi fidelis, quaeso, potius fueris, quam mihi.

Atque hic pater est, ut ego opinor, huius, herus quam amat.

Ibo hinc intro: perscrutabor fanum, si inveniam usplam

20. *sine omni suspicione.* Vide supra ad II. 2. 38.

21. *arbitrarier.* Significat, *prospicere, videre*; etiam Plautus hanc vocem pro *audire* usurpat: *Caup.* II. 1. 24. *Ne arbitri dicta nostra arbitrari* (queant).

5. *ubi arcessat:* vulgo additur *me*. Bothius delevit adnotavitque sponsam esse arcessendam, non senem: recte.

13. *Si inveniam.* Si nonnunquam pro *an* usurpatur. Livius I. 57. *tentata res est, si primo impetu capi*

Ardea posset. Livius XL. 49. *quaesivit iterum, si cum Romanis militare liceret.* Vid. Dukerus ad Florum III. 36. Eodem modo Graecorum et construitur, ut notum est: Herod. I. 53. *ἐπετέλλετο ὁ Κροῖσος ἐπειρωτῶν τὰ χρηατέρη, εἰ στρατεύεται ἐπὶ Πέρσας.* Xenoph. Anab. IV. 8. 7. *ἡρώτων ἐκεῖνοι, εἰ δοίεν ἄν τούτων τὰ πιστά.* Plato de Rep. I. cap. 12. *εἰ δὲ ἀληθὲς ἢ μὴ, πειράσσομαι μαθεῖν.* Confer. Viger. de Graec. dict. Idiot. p. 505.

- Aurum, dum hic est occupatus; sed si reperero, Fides,
 15. Mulsi congialem plenam faciam tibi fideliam;
 Id adeo tibi faciam; verum ego mihi bibam, ubi id fecero.

ACTUS QUARTUS. SCENA TERTIA.

EUCLIO.

Non temere est, quod corvos cantat mihi nunc ab laeva manu;
 Simul radebat pedibus terram, et voce erocibat fera.
 Continuo meum cor coepit artem facere ludieram,
 Atque in pectus emicare; sed ego cesso currere.

16. *faciam: rem divinam facere* cantantes malum auspicium faciebant.
 pro *sacrificare* sat notum est: ea de Noster Asin. II. 1. 12.

re vide Gronov. Lect. Plant. p. 58. *Picus et cornix est ab laeva: corvus*
Facere vero simpliciter idem significat. *consuadent.* (porro ab dextera

Noster Rudente III. 44. Cicero de Divinat. I. 59. *cur a dextera*
hic nobiscum dis facere postulas? *corvus, a sinistra cornix faciat ratum.*

Stich. I. 3. 96. Hinc etiam *sinistra auspicia* pro *fausta*.
quot agnis fecerat? ad quam Cicero de Divinat. II. 39. *quanquam non*
 quaestionem Crocotium respondet, *ignoro, quae bona sunt, sinistra nos*

Illa quidem nullum sacrificavit. *dicere.* Hippocrat. de Dieta, Vol.
 Tibul. IV. 6. 14. XXII. Medic. Graec. oper. edit. Kühn.

Ter tibi fit liba, ter, Dea casta, mero. p. 30. *οὐκ οἱ πάντες τὸν αὐτὸν ὀρ-*
 vid. Virg. Eclog. III. 77. ibique Ser- *νθα, εἰ μὲν ἐπιτερεὸς εἴη, ἀγαθὸν*
 vias. *νομιζοῦσιν εἶναι, εἰ δὲ θεϊὸς, κακόν.*

I. *non temere est.* Significant: Conf. Servius ad Virg. Aen. II. 693.
causa gravior est: non semel haec porro Noster Epid. II. 2. 1. Pseud.
 formula a comicis usurpata est. Vid. II. 4. 72. De auspicis vid. Meurs.
 Heins ad Virg. IX. 375. Miscel. X. 151.

1. *corvos cantat ab laeva manu.* 2. *fera.* Cum Goellero, praecedente
 Infaustum augurium; non tamen om- Boethio, dedi *fera* pro *sua*; eadem
 nes aves a laeva manu apparentes; vel voces confusae Ovid. Metam. I. 159.

ACTUS QUARTUS. SCENA QUARTA.

EUCLIO. STROBILUS.

Foras, foras, lumbrice, qui sub terra erepsisti modo,
Qui modo nusquam comparebas; nunc quom compareas, peris.
Ego edepol te, praestigiator, miseris jam accipiam modis.

Strob. Quae te mala crux agitat? quid tibi mecum est commercii, senex?
Quid me afflictas? quid me raptas? qua me causa verberas? 5.

Euc. Verberabilissime, etiam rogitas? non fur, sed trifur.

Strob. Quid tibi surripui? *Euc.* redde huc sis. *Strob.* quid tibi
(vis reddam? *Euc.* rogas?

Strob. Nihil equidem tibi abstuli. *Euc.* at illud, quod tibi ab-
(stuleras, cedo.

Ecquid agis? *Strob.* quid agam? *Euc.* auferre non potes. *Strob.*
(quid vis tibi?

Euc. Pone. *Strob.* equidem pos te datare, credo, consuetum, senex. 10.

Euc. Pone hoc sis: aufer cavillam; non ego nunc nugas ago.

Strob. Quid ego ponam? quin tu eloquere quicquid est suo nomine.
Non hercle equidem quidquam sumsi, nec tetigi. *Euc.* ostende
(huc manus.

Strob. Hem tibi! *Euc.* ostende. *Strob.* eccas. *Euc.* video; age
(ostende etiam tertiam.

Strob. Larvae hunc atque intemperiae insaniaeque agitant senem. 15.

6. *verberabilissime* i. e. verberibus dignissime *μαστιγισμώτατε*.

11. *aufer cavillam* i. e. omitte cavillam: desine cavillari. Noster Trucul. IV. 4. 8.

aufer nugas. Horat Sat. II. 7. 42.

aufer me vultu terrere. Juvenal. VI. 170. sic fere.

Tolle tuum precor Hannibalem vic- (tumque Syphacem.

Vid. Burman. ad Phaed. III. 6. 8.

Bentl. ad Terent. Adel. V. 8. 14. Similiter Aristoph. in Pace v. 454.

ἄφελε τὸ παλαιν, ἀλλ' ἰὴ μόνον λέγε.

Xenoph. de Re equestri V. 9. *τὴν γὰρ μὴν τῶν σκελῶν κατὰ πλῆναι ἐφαρσόμεν.*

14. *ostendo etiam tertiam.* Imitatus Molierius L'Avare Act. I, Scen. III.

Harpag. *Montre-moi tes mains.*

Le Flech. *Les voilà.*

Harpag. *Les autres.*

Facisne injuriam mihi an non? *Euc.* fateor, quia non pendes, maximam:

Atque id quoque jam fiet, nisi fatere. *Strob.* quid fatear tibi?

Euc. Quid abstulisti hinc? *Strob.* di me perdant, si ego tui quicquam abstuli,

Neve adeo abstulisse vellem. *Euc.* agedum, excutedum pallium.

20. *Strob.* Tuo arbitrato. *Euc.* ne inter tunicas habeas. *Strob.* tenta (qua lubet.

Euc. Vah, scelestus, quam benigne! ut ne abstulisse intellegam.

Novi sycophantias; age! rursus ostende huc manum

Dexteram. *Strob.* hem! *Euc.* nunc laevam ostende. *Strob.* quin (equidem ambas profero.

Euc. Jam scrutari mitto; redde huc. *Strob.* quid reddam? *Euc.* (ah nugas agis,

25. Certe habes. *Strob.* habeo ego? quid habeo? *Euc.* non dico, (audire expetis.

Id meum, quicquid habes, redde. *Strob.* insanis: perscrutatus es Tuo arbitrato, neque tui me quicquam invenisti penes.

Euc. Mane, mane: quis illic est, qui intus alter erat tecum simul?

Perii hercle! ille nunc intus turbat; hunc si amitto, hic abierit:

30. Postremo hunc jam perscrutavi: hic nihil habet; abi quo lubet: Juppiter te dique perdant. *Strob.* haud agit male gratias.

16. *Facisne injuriam mihi an non? — maximam.* Similiter fere Aristoph. in Pluto 464.

καὶ τί ἂν νομίζετον
κακὸν ἐργάσασθαι ἀνθρώπους; Χρ:
(8, τ;
εἰ τοῦτο δορὴν μέλλοντες ἐπιλαθοί-
(μεθα.

19. *neve adeo abstulisse vellem:* credo haec a Strobilo, non, ut vulgo distinguitur, ab Euclione dixit: hoc enim vult Strobilus. Neque vellem me nunc jam abstulisse, nam diutius celare non possem, reddendumque esset aurum: dum ab Euclione accipi possent quasi dixisset; non vellem me

tam scelestum esse ut istud facinus perpetrare poluissem. *Neve* saepe utuntur pro *neque*. Cicero ad Quint. Fratrem I. 1. init. *neve* te obrui, *tantum fluctu*, *sic magnitudine negotii sinas*. Caesar. Bel. Gal VI. 19. *neve cum quo alio communicet*.

30. *perscrutavi*. Pro *perscrutatus sum*: non insolens est Plauto, variis eorundem verborum formis uti: paulo supra dixit, *perscrutatus es*.

31. *Juppiter te dique perdant*. Puto haec esse verba Strobili; sequentia vero, inde ab *haud agit* usque ad *an non?* Euclionis; sic etiam distinguit v. o. Camerarius.

Euc. Ibo hinc intro atque illi socienno tuo jam interstringam gulam:
Fugin' hinc ab oculis? abin' hinc an non? *Strob.* abeo. *Euc.* cave
(sis revideam.

ACTUS QUARTUS. SCENA QUINTA.

STROBILUS.

Emortuum ego me mavelim leto malo,
Quam non ego illi dem hodie insidias seni;
Namque hic jam non audebit anrum abstrudere;
Credo efferet jam secum, et mutabit locum.
Atat foris crepuit! senex, eccum, aurum effert foras.
Tantisper hinc ab janua concessero.

5.

ACTUS QUARTUS. SCENA SEXTA.

EUCLIO. STROBILUS.

Fidei censebam maximam multo fidem

32. *interstringam* i.e. *penitus, prorsus* obstringam: vide supra ad III. 4. 86.

3. *Jam non audebit.* *Jam* nunquam significat: *porro, posthac*, in primis in negationibus. Terent. Heaut. IV. 3. 1.

Nulla mihi res posthac potest jam (intervenire.

Cicero Verrin. III. 94. extrem. *non est jam in lege atque officio* ubi de futuro loquitur. Livius XXX. 7. *cum uxor non jam, ut ante, blanditiis valisset.* Phaed. I. 8. 3.

Impune abire deinde quia jam non (potest.

5. *foris crepuit*: quando egressurus quis erat, plerumque, in comœdiis, fores dicebantur *crepare*: ingredientium verò erat *pulsare*; idem differunt apud Graecos *πορρῆν*, et *κόπτειν* vel *ἀράσσειν*; quorum haec ingredientium sunt, illud verò est egressu-
dientium. Vid. Schol. ad Aristoph. Nub. 132. Eurip. Iphig. Taur. 1319.
πύλας ἀράξας, καὶ φόβον πέμψας (ῥω;

6. *ab janua*: non ut vulgo ad *januam*: nam timebat Strobilus ne ab sene exeunte videretur. Acidalius emendavit.

Esse: ea sublevit os mihi paenissime.

Ni subvenisset corvus, periissem miser.

Nimis hercle ego illum corvum, ad me veniat, velim,

5. Qui indicium fecit, ut ego illi aliquid boni

Dicam, nam quod edit, tam duim, quam perduim.

Nunc hoc ubi abstrudam cogito solum locum.

Silvani lucus extra murum est, avius,

Crebro salicto oppletus, ibi sumam locum.

10. Certum est; Silvano potius credam, quam Fidei.

Strob. Euge! euge! di me salvum, et servatum volunt.

Jam ego illuc praecurram, atque inscendam aliquam in arborem:

Indeque observabo, aurum ubi abstrudat senex.

Certum est; malum rem potius quaeram cum lucro.

ACTUS QUARTUS. SCENA SEPTIMA.

LYCONIDES. EUNOMIA. PHAEDRA.

Dixi tibi, Mater: juxta rem mecum tenes

Super Euclionis filia; nunc te obsecro,

Resecroque mater, quod dudum obsecraveram.

2. *Sublevit os mihi.* *Sublinere*

os alicui significat *aliquem decipere*.

Gronovius putat translatum esse ex more

quo veteres, in primis puellae,

virum quaerentes, faciem linebant,

ut naevos occultarent, aut pulcro colore

essent; Nonius vero, a ridiculo

quodam lusus genere deducit, quo dormi-

entibus, aut alioquin imprudentibus

ora pingebantur; cui explicationi glossa

M. S. Pal. 4. favet, quae hisce

continetur verbis: *Locutio, sublinere*

os, tracta a genere ludi, quo dormi-

entibus ora pinguntur. Graeci

dicunt ἀπορρίσσειν.

8. *aeius.* i. e. extra viam, idcirco

pedibus hominum non tritus: Graecis

ἄβατος quod etiam significat *sacer*.

Plutarcho Hellen. cap. 39. τὸ ἄβα-

τος est adytum.

13. *abstrudat senex:* post haec

verba nonnullae editiones hunc habent

versum:

Quaquam hic manere herus me sese

gusserat.

Retinendum censeo, quia lucem ultio

hujus scenae versui affert, cujus sen-

sus, his rejectis, non satis perspi-

citur.

Fac mentionem cum avunculo, mater mea.

Eun. Scis tute, facta velle me, quae tu velis, 5.

Et istuc confido a fratre me impetrassere,

Et causa justa est, si quidem ita est, ut praedicas;

Te eam compressisse vinolentum, virginem.

Lyc. Egone ut te advorsum mentiar, mater mea?

Phaed. Perii, mea nutrix! obsecro te, uterum dolet: 10.

Juna Lucina, tuam fidem! *Lyc.* hem! mater mea,

Tibi rem potiolem video: clamat, parturit.

Eun. I hac intro mecum, gnate mi, ad fratrem meum,

(Ut istuc quod tu me oras, efficiam tibi)

Ut istuc quod tu me oras impetratum ab eo auferam. 15.

Lyc. I, jam sequor te, mater; sed servom meum

Strobilum miror ubi sit, quem ego me jusseram

Hic opperiri. Nunc ego mecum cogito,

Si mihi dat operam, me illi irasci injurium est.

Ibo intro, ubi de capite meo sunt comitia. 20.

ACTUS QUARTUS. SCENA OCTAVA.

STROBILUS.

Picos divitiis, qui aureos montes colunt,

Ego solus supero. Nam istos reges ceteros

4. *fac mentionem cum avunculo.*

Rara syntaxis, qua tamen non semel Plautus utitur. Cistel. I. 2. 15.

Quod saepe mecum mentionem fecerit.

Persa I. 3. 29.

Qua de re ego tecum mentionem feci (eorum!)

9. *te advorsum mentiar*, i. e. tibi mentiar, sic et Terent. And. I. 5. 30. *advorsum hunc loqui*, Saepe significat

erga, Livius V. 35. *quanquam adversus Romanos nullum eis jus societatis amicitiaeque erat.* Livius XXIX. 8. *bonaque eorum alterius factionis principibus, ob egregiam fidem adversus Romanos, concessit.* ubi vid. Drakenb.

11. *Juno Lucina*: vid. Lambin. ad hunc locum et Donat. ad Terent. And. III. 1. 16. Insuper interpret. ad Senecae Medeam ipso initio.

Memorare nolo, hominum mendicabula;

Ego sum ille rex Philippus. O lepidum diem!

5. Nam ut dudum hinc abii, multo illuc adveni prior,

Multoque prius me collocavi in arborem,

Indeque expectabam ubi aurum abstrudebat senex.

Ubi ille abiit, ego me deorsum duco de arbore,

Effodio aulam auri plenam: inde ex eo loco

10. Video recipere se senem: ille me non videt;

Nam ego modo declinavi me paulum extra viam.

Atat! ecce ipsum; ibo, uti hoc condam, domum.

ACTUS QUARTUS. SCENA NONA.

EUCLIO. LYCONIDES.

Perii! interii! occidi! quo curram? quo non curram? tene, tene:
(quem? quis?

Nescio, nil video, caecus eo, atque equidem quo eam, aut ubi sim,
(aut qui sim,

Nequeo cum animo certum investigare: obsecro vos ego, mi auxilio,
Oro, obtestor; sitis, et hominem demonstratis, qui eam abstulerit.

5. Quid ais tu? tibi credere certum est: nam esse bonum e vultu cognosco.

7. *expectabam*: i. e. spectabam, doct. metr. p. 412. *Ομνινος* h. verba conferendi sunt cum Molierii *Avaro*, Act. III. Scen. VII. qui ad verbum ferme haec Plautina vertit. Similis fere locus extat in Aristoph. *Pluto* γ. 857 seqq. *Οἱμοι κακοδαίμων, ὡς ἀπόλωλα δει-*
(λαος!

12. *Atat!* interjectio, qua utuntur, quibus praeter expectationem boni aut mali quid accidit. *Καὶ τριςκακοδαίμων, καὶ τετράκις,*
(καὶ πεντάκις,
Καὶ ὀδοδεκάκις, καὶ μυριάκις. Ἰαὺ

1. *Perii! interii!* (Usque ad versum 16 Hermannum in dimetiendis versibus sum secutus. vid. ejus Elem. *ὄττω πολυέροισι συγχεράσαι δαι-*
(μον.

Quid est? quid ridetis? novi omnes; scio fures esse hic complures,
 Qui vestitu et creta occultant sese, atque sedent quasi sint frugi.
 Hem, nemo habet horum: occidisti: dic igitur; quis habet? nescis?
 Hei me miserum, miserum: perii male perditus; pessime ornatus eo.
 Tantum gemitu et malae maestitiae hic dies mihi obtulit, 10.
 Famem et pauperiem: perditus paenissime sum ego omnium
 In terra: nam quid mi opus est vita, qui tantum aurum perdidici,
 Quod custodivi sedulo; egomet me defraudavi,
 Animumque meum, geniumque meum: nunc eo alii laetificantur,
 Meo modo et damno; pati nequeo. 15.
Lyc. Quinam homo hic ante aedis nostrae iulans conqueritur moerens?
 Hic quidem Euclio est, opinor, oppido ego interii! palam est res,

7. *qui vestitu et creta occultant sese*: significat mores suos improbos dissimulare, et speciem probitatis praese ferre: tracta est locutio, ex more honores petentium, qui togam candidam gestare soliti erant, unde candidi dicti, quos Senec. Epist. III. bonos viros vocat; quo modo omnes candidatos bonos viros dicimus. Vid. Gronov. Lect. Plaut. 59.

9. *male perditus*: i. e. prorsus: saepe vox *male* juncta cum verbis, in quibus jam videtur quid mali, eorum vim magnopere intendit: Terent. Heec. III. 2. 2.

Male metuo, ne Philomenae magis (morbus adgravescat. Cicero ad Att. XIV. 1. non dubito quin me male oderit. Horat. Sat. I. 4. 65.

Sulcius acer
Ambulat et Caprius, causet male; Livius XL. 7. *exceptus a juvenibus fortis triclinto egressus, male mulcatur.*

13. *defraudavi me*. i. e. pargius vixi, neque animo inquisi. Sic Terent. Phorm. I. 1. 10. *sum defraudans genus*: ubi haec dedit Ruhk. — *frau-*

dare et defraudare proprie est, per fraudem privare; sed saepe simpliciter dicitur pro privare. Veteres quoties hilarius et lautius se excipiebant, toties putabant se genium placare, curare, genio indulgere. Vid. Casaub. ad Pers. Sat. V. 151. contra qui parcus vivebant, nunquam hilaritati indulgebant, se genium defraudare existimabant. Livius II. 10. *unusquisque ei aliquid, fraudans se ipse victu suo, contulit*, et Livius V. 47. *cum se quisque victu suo fraudans.*

15. *pati*. i. e. ferre, sustinere, durare. Lucan. V. 314.

et disce sine armis
Posse pati, ubi vid. Grotius. Seneca Thyest. v. 470.

Immano regnum est, posse sine regno (pati,

ubi vid. Gronov. Graeci dicunt *κατρεπερ*. Xenoph. Cyrop. V. 1. 26. *κατρεπερμεν* *κατρεπερμεν* *κατρεπερμεν*. Xenoph. Memor. IV. 5. 8. *ἡ δ' ἐν γὰρ τῇ μὲν πρὸς τοὺς κατρεπερ τὰ εὐχρηστά.*

17. *hic quidem Euclio est*. Notanda est vis verbi *quidem*, quod in ta-

Scit peperisse jam, ut ego opinor, filiam suam; nunc mihi incertum est, Quid agam: abeam an maneam! fugiam an adeam; quid agam (edepol nescio.

20. *Euc.* Quis homo hic loquitur? *Lyc.* ego sum, miser. *Euc.* imo (ego sum, et misere perditus,

Cui tanta mala moestitudo obtigit. *Lyc.* animo bono es.

Euc. Quo obsecro pacto esse possum? *Lyc.* quia istuc facinus quod (tuum

Sollicitat animum, id ego feci, et fateor. *Euc.* quid ego ex te audio?

Lyc. Id quod verum est. *Euc.* quid ego de te merui, adulescens, mali?

25. Quamobrem ita faceres, meque meosque perditum ires liberos?

Lyc. Deus impulsor mihi fuit; is me ad illam illexit. *Euc.* quo modo?

Lyc. Fateor peccavisse me, et me culpam commeritum scio.

Id adeo te oratum advenio, ut animo aequo ignoscas mihi.

Euc. Cur id ausus facere, ut id quod non tuum esset tangeres?

30. *Lyc.* Quid vis fieri? factum est illud; fieri infectum non potest. Deos credo voluisse: nam ni vellent, non fieret scio.

Euc. At ego deos credo voluisse, ut apud me te in nervo enicem.

Lyc. Ne istuc dixis. *Euc.* quid tibi ergo meam, me invito, tactio est?

Lyc. Quia vini vitio atque amoris feci. *Euc.* homo audacissime,

35. Cum istacin' te oratione huc ad me adire ausum, impudens?

libus, vel indignationem, vel admirationem, vel metum, denotat. Noster Capt. III. 5. 92.

Vis haec quidem est, et trahi et (trudi simul.

Sueton. Caesar. 82. *ista quidem vis est.* Vid. Schwarz. ad Plinii Panegy. cap. 25, qui tamen Gierigium nactus est obloquentem.

23. *Sollicitat.* i. e. contristat, disturbat. Vid. Donat. ad Terent. And. IV. 2. 6; et eadem fab. V. 3. 16. Tibul. III. 5. 12.

Nec cor sollicitant facta nefanda Virg. Aen. IV. 379.

ea cura quietos

Sollicitat. Livius XXI. 10. *Ablegandum eo, unde nec ad nos nomen famaque ejus accedere, neque sollicitare quietae civitatis statum possit.*

32. *apud me te.* Cum Goellero tradeposui. Libri Mss. omnes et editiones habent *apud te me*: altera tamen ratio magis congruens videtur irato minaeque seni.

35. *ad me adire ausum.* Recte Lambinus annotat hic supplendum esse, *par est? aequum est?* aut tale quid: est infinitivus indignationis. Sio Virg. Aen. I. 37.

me incepto desistere victam? Nec posse Italia Teucrorum avertere (re regem?

Nam si istuc jus est, ut tu istuc excusare possies,

Luci clero deripiamus aurum matronis palam;

Post id, si prehensi sumus, excusemus, ebrios

Nos fecisse amoris causa; nimis vile est vinum atque amor;

Si ebrio atque amanti impune facere, quod lubeat, licet. 40.

Lyc. Quin tibi ultro supplicatum venio ob stultitiam meam.

Euc. Non mihi homines placent, qui, quando male fecerunt, purgant.

Tu illam scibas non tuam esse; non attactam oportuit.

Lyc. Ergo, quia sum tangere ausus, haud causificor quin eam

Ego habeam potissimum. *Euc.* tun' habeas me invito meam! 45.

Lyc. Haud te invito postulo, sed meam esse oportere arbitror.

Quin tu eam invenies, inquam, meam illam esse oportere, Euclio.

Euc. Jam quidem hercle te ad praetorem rapiam et tibi scribam dicam,

Nisi refers. *Lyc.* quid tibi ego referam? *Euc.* quod surripuisti meum.

Lyc. surripui ego tuum? unde? aut quid id est? *Euc.* ita te 50.

(amabit Juppiter,

Ut tu nescis? *Lyc.* nisi quidem tu mihi, quid quaeras, dixeris.

Euc. Aulam auri, inquam, te reposco, quam tu confessus mihi

39. *nimis vile est.* Signif. si vinum et amor nobis concederent quidvis impune facere, non parari possent tam villi pretio. Omnes enim vinum et amorem emerent, quae propterea maximi constarent. Fere ut Philemon dicit de lacrymis.

εἰ τὰ δάκρυ' ἡμῖν τῶν κακῶν ἦν
(φάρμακον
δεῖ θ' ὁ κλαύσας τοῦ πολεῖν ἐπαύετο,
ἠλλοττόμεσθ' ἂν δάκρυα, δόντες
(χρυσίον. κ. τ. λ.)

Hos versus Muretus ita vertit de Graecis:

*Here, si querelis, ejulatu, fletibus,
Medicina feret miseris mortalium,
Auro parandas lacrimas contra fo-*
(rent. etc.)

Sunt autem hi et seq. versus, per quos Muretus decepit Scaligerum, di-

cens esse Trabeae. Vid. Phil. Fragm. p. 328. ibique Clerici annot.

48. *Jam quidem — dicam.* Assentior Goellero hunc versum, qui in editionibus post *nisi refere — meum* collocatur, transponenti statim post, *meam illam esse oportere* Euclio.

48. *tibi scribam dicam.* Locutio sumta a Graecis: hi enim *δίκην γράφεισθαι* dicebant: i. e. accusare. Imitatur Plautus in comoediis Palliatis instituta, sic et locutiones Graecorum, licet etiam in iis non semel multa, ad Romanorum mores depicta, misceat. Similiter Cicero Verrin. II. 15. init. *scribere dicam* dixit, propter Siculos, qui Graece loquebantur: de formula *scribere*, et *subscribere dicam* vid. Gronov. Lect. Plaut. pag. 286.

- Te abstulisse. *Lyc.* neque edepol ego dixi, neque feci. *Euc.* negas?
Lyc. Pernego imo; nam neque ego aurum, neque istanc aulam, quae siet,
 55. Scio nec novi *Euc.* illam, ex Silvano lūco quam abstuleras, cedo,
 I, refer: dimidiam tecum potius partem dividam.
 Tametsi fur mihi es, molestus non ero furi: refer.
Lyc. Sanus tu non es, qui furem me vocas: ego te, Euclio,
 De alia re rescivisse censui; quod ad me attinet.
 60. Magna est res, quam ego tecum otiose, si otium est, cupio loqui.
Euc. Dic bona fide: tu id aurum non surripuisti? *Lyc.* bona.
Euc. Nequescis, quis abstulerit? *Lyc.* istuc quoque bona. *Euc.* atque
 (id si scies,
 Qui abstulerit, mihi indicabis? *Lyc.* faciam. *Euc.* neque partem tibi
 Ab eo, quiqui est, indipisces, neque furem excipies? *Lyc.* ita.
 65. *Euc.* Quid si fallis? *Lyc.* tum me faciat quod vult magnus Juppiter.
Euc. Sat habeo; age, nunc loquere quid vis. *Lyc.* si me novisti minus,
 Genere qui sim gnatus; hic mihi est Megadorus avunculus:
 Meus fuit pater Antimachus; ego vocor Lyconides;
 Mater est Eunomia. *Euc.* novi genus; nunc quid vis? id volo
 70. Noscere ex te. *Lyc.* filiam tu habes. *Euc.* imo eccillam domi
Lyc. Eam tu despondisti, opinor; meo avunculo. *Euc.* omnem
 (rem tenes.
Lyc. Is me nunc renunciare repudium jussit tibi.

59. *de alia re rescivisse censui, quod etc.* De hac enallage vid. Gron. Observat. III. 2.

70. *eccillam.* *Eccum*, *ecoillam* Plautus non solum de praesentibus, seu advenientibus, verum etiam de absentibus, qui in vicinia sunt usurpat. Amph. prol. 120.

Nam meus pater intus nunc est, Capt. I. 2. 66. (eccum, Juppiter. Nam eccum hic captivum adolescentem Alium.

71. *eam tu despondisti.* Donat. ad Terent. And. I. 1. 75. dicit, *spondere patris, despondere adolescentis*

esse: vereor ut verum sit: neque hic locus unicus mihi dubitationis argumento est; nam saepissime optimi scriptores despondere usurpant ubi de patre sermo est. Noster haec ipsa fabula II. 2. 62. et 78. Cistell. II. 1. 22. Si illam uxorem duxero mihi unquam, quam despondit pater.

Terent. Heaut. IV. 5. 31. *at ego illi neque do, neque despondeo.* Cicero ad Attic. I. 3. *Tulliolam C. Pisoni L. F. Frugi despondimus.* Ovid. Met. IX. 714.

Cum pater, Iphi, tibi flavam despondit (det Jānthen.

Euc. Repudium? rebus paratis; atque exornatis nuptiis! 75.

Ut illum di immortales omnes deaeque, quantum est, perdunt,

Quem propter hodie auri tantum perdidit infelix, miser. 75.

Lyc. Bono animo es, et benedice; nunc quae res tibi et gnatae tuae

Bene feliciterque vortat; ita di faxint, inquit.

Euc. Ita di faciant. *Lyc.* et mihi ita di faciant; audi nunc jam.

Qui homo culpam admisit in se, nullus est tam parvi preti,

Quin pudeat, quin purget sese: nunc te obtestor, Euclio, 80.

Si quid ego erga te imprudens peccavi, aut gnatam tuam,

Ut mihi ignoscas, eamque uxorem mihi des, ut leges jubent:

Ego me injuriam fecisse filiae fateor tuae,

Cereris vigiliis, per vinum, atque impulsu adolescentiae.

Euc. Hei mihi! quod facinus ex te ego audio! *Lyc.* cur ejulas, 85.

Quem ego avum feci jam ut esses filiae nuptiis?

Nam tua gnata peperit decumo mense post; numerum cape;

Ea re repudium remisit avunculus, causa mea.

I, intro, exquaere, sitne ita ut ego praedico. *Euc.* perii oppido:

Ita mihi ad malum malae res plurimae se agglutinant. 90.

Ibo intro, ut quid hujus rei sit, sciam. *Lyc.* jam te sequor.

Haec propemodum jam esse in vado salutis res videtur.

74. quantum est i. e. quotquot sunt: Ruhnken. ad Terent. Heaut. IV. 6. 6. ubi haec etiam occurrunt confert. Catul. III. 2.

Et quantum est hominum venus- Terent. Phorm. V. 7. 10. (tiorum.

Quanta quanta haec mea paupertas (est,

pergit: Sic quicquid dicitur pro. quicunque. Horat. Epod. V. 1.

At o deorum quidquid in coelo regit. Livius III. 25. quidquid deorum est:

Vid. Drakenb. ad Liv. XXXII. 37. 5.

79. culpam admisit in se: admittere in se culpam, dicitur eleganter pro, committere culpam, peccare, simpliciter. Noster Amph. III. 2. 4.

quas neque ego in me admisit.

Terent. Adel. IV. 5. 48.

Me hoc delictum admisisse in me, (id mihi vehementer dolet.

Cicero pro Cluent. 60. quid unquam

Avitus in se admisit. Livius XXXIX.

18. in se aut alios admiserant.

84. Cereris vigiliis, per vinum, atque impulsu adolescentiae. Consecratur Ovid. Amor. I. 6. 59.

Nos et Amor, vinumque nihil mo- (derabili suadent;

Illa pudore vacat, Liber amorque (metu.

87. numerum cape. Recte Taubmannus explicat dicens signif. tempus supputa scilicet a Θεομετρίῳ.

Nunc servum esse ubi dicam meum Strobilum? non reperio.

Nisi etiam hic opperiar, tamen paulisper; postea intro.

95. Hunc subsequar; nunc interim spatium ei dabo exquirendi.

Meum factum ex gnatae pedissequa, nutrice anu; ea rem novit.

ACTUS QUINTUS. SCENA PRIMA.

STROBILUS. LYCONIDES.

Di immortales, quibus et quantis me donatis gaudiis:

Quadrilibrem aulam auro onustam habeo; quis est me ditior?

Quis me Athenis nunc magis quisquam est homo, cui di sint propitii?

Lyc. Certo enim ego vocem hic loquentis modo me audire visus

(sum. *Strob.* hem!

5. Herumne aspicio meum? *Lyc.* video ego hunc Strobilum, servum

(meum?

Strob. Ipsus est. *Lyc.* haud alius est. *Strob.* congregiar. *Lyc.*

(contollam gradum.

Credo ego illum, ut jussi, eampse anum adisse, hujus nutricem virginis.

Strob. Quin ego illi me invenisse dico hanc praedam atque eloquor?

Igitur orabo ut manu me mittat: ibo et eloquar.

10. Repperi. *Lyc.* quid repperisti? *Strob.* non quod pueri clamitant

In faba se repperisse. *Lyc.* jamne autem, ut soles, deludis?

94. *nisi etiam*: nisi pro *sed*: vide supra ad II. 6. 3. *etiam* pro *etiam* nunc, adhuc; Terent. Hec. IV. 3. 8.

de uxore incertus sum etiam. *

Virg. Aen. VI. 485.

Etiam currus, etiam arma tenentem. ubi vid. Servius. Cicero Verrin. III. 23, et quum iste etiam cubaret, in cubiculum introductus est.

10. *quod pueri clamitant in faba se repperisse.* Haec quum vix sine explicatione intelligenda sint, Gronovii

verba, quibus locutionis vim exposuit describam. — Est proverbium, in quo retunditur atque eluditur jactantia eorum, qui res nihili, tanquam raras ab se inventas, et ut alio proverbio dicitur, pro thesauro carbonem nobis ostendant. Ideo servus, significans non parvam rem neque levem repperisse se, negat inventum sibi nihil majus quam quod pueri clamitant se repperisse in faba. Explicant de vermiculo in isto genere leguminis, quoniam

Strob. Here, mane, eloquor; jam ausculta. *Lyc.* age ergo, loquere.

(*Strob.* repperi hodie,

Here, divitias nimias. *Lyc.* ubinam? *Strob.* quadrilibrem, inquam,

(aulam auri plenam.

Lyc. Quod ego facinus audio ex te? *Strob.* huic surpui seni Euclioni.

Lyc. Ubi id est aurum? *Strob.* in arca apud me; nunc volo manu 15.

(me emitti.

Lyc. Egone te manu emittam, scelerum cumulatissime? *Strob.* abi,

here, scio

Quam rem geras; lepede, hercule, ego animum tuum tentavi.

Ut jam eriperes, apparabas; quid faceres, si reperiissem?

Lyc. Non potes probasse nugas; i redde aurum *Strob.* reddam

(ego aurum?

Lyc. Redde, inquam, ut huic reddatur. *Strob.* ah, unde? *Lyc.* 20.

(quodmodo fassus es esse

In arca. *Strob.* soleo hercle ego garrere nugas. *Lyc.* ita loquor: scin'

Quomodo? *Strob.* vel hercule enica me, nunquam a me feres hinc.

DESUNT RELIQUA.

Midam vocant. Eum autem solitos pue-
ros quaerere in fabis; et qui invenis-
set, inde exultare ac velut triumphum
agere. — Tale est apud Juvenal. Sat.
VIII. 29. ubi vid. Rupertus.

21. ita loquor. Facio cum Goel-
lero, hae verba Lyconidi adscribenti,
ut sensus sit: tu te garrere nugas
ais; at ego ita loquor. scin' quomo-
do? ultima minantis enim.

SUPPOSITA.

Lyc. *Quid hic quondam pervicus addit?*

Non feramn' unquam? Strob. quod non habeo. Lyc. efferaris cave, Nisi actutum seni id auri redditio est. Strob. sive perpensus ferar Libitinarius, sive pollinctorius efferar, nunquam dabo nisi fodiam

5. *Noviter arrogiam. Lyc. vaeh capiti tuo. Strob. imo senis et capiti Et pectori, qui auri tantum perdidit. Lyc. quis repperit?*

Strob. Quem repperisse vis. Lyc. qui in arca illud subreptum
(habere

Autumat. Strob. quam pulcre tibi, here, conniverent oculi, si id Factum fateor. Ludo: quod lusi tecum, non par est identidem

10. *Serio vortier. Lyc. at nunc jam ne me irritassis, i, et aurum Redde: susque deque haud agites. Strob. here, id si repperibitur, Certum est geminam te lanceam confitentem icere. Lyc. i, et redde. Strob. Vis crassum? Lyc. i, et redde. Strob. atat incassum*
(quaeritas.

Lyc. *I, et redde. ego ad senem propero, ut quid comitiis*

15. *Proxumis videam. Senex aulam auri perdidit, Megadorus Repudium renunciat. Filiam peperisse vitio rescit. Strob. hero Meo, quantum ego video, nemo est benignior. Alii non quod Inventum est non occulunt, modo negant: occulunt vaniloqui.*

*Sed aliud post aliud si qua sit opportunitas, harpagatum
 Volunt, si Eleusinie sit, facilem deam creduant; si Cotytto, 20.
 Non videre quem batuat. Ita neque amicis, neque cognatis,
 Neque dis parcant, dum bene parcant sibi. istic quidem,
 Ne miserum faciat senem, aut illius familiam opulentam,
 Auri aulam, grandem, onustam, plenam, referri jubet,
 Ut se faciat olim miserum, atque suam familiam. Ast ego partem 25.
 Impartiri malim, unde redimar. Quod vortet bene, picus
 A sinistris cantitat, qui auri custos hercle olim traditur.
 Ibo, et aulam referam: quod illaec mihi bene avis occinat.*

SUPPLEMENTUM AULULARIAE,

ANT. CODRO URCEO AUCTORE.



— — — Quod non habeo Lyc. feram.

Velis nolis; cum te quadrupedem strinxero:

Et herniosos testes ad trabem tibi

Divellam appenso. Sed cur in fauces moror

Hujus scelesti ruere? et animam protinus

5. *Cur non compello facere iter praeposterum?*

Das, an non? Strob. dabo. Lyc. des ut nunc, non olim volo.

Strob. Do jam: sed me animam recipere, sinas, te rogo.

Ah Ah! quid, ut dem, poscis, here? Lyc. nescis, scelus?

Et aulam auri plenam quadrilibrem mihi

10. *Audes negare, quam dixti modo*

Te arripuisse? heia, jam ubi nunc lorarii?

Strob. Here, audi pauca. Lyc. non audio. Lorarii,

Heus heus. Lor. quid est? Lyc. parari catenas volo.

Strob. Audi quaeso, post me ligare jusseris

15. *Quantum libet. Lyc. audio; sed rem expedias ocius*

Strob. *Si me torqueri jusseris ad necem, vide*
Quid consequare, primum servi exitium habes:
Deinde, quod concupisces, ferre non potes.
At si me dulcis libertatis praemio
Dudum captasses, jam dudum votis fores. 20.
Tuis potitus. Omnes natura parit liberos,
Et omnes libertati natura student.
Omni malo, omni exilio peior servitus:
Et quem Juppiter odit, servom hunc primum facit.
 Lyc. *Non stulte loqueris.* Strob. *audi reliqua nunc jam.* 25.
Tenaces nimium dominos nostra aetas tulit,
Quos Harpagones, Harpyias et Tantalos
Vocare soleo; in opibus magnis pauperes,
Et sitibundos in medio Oceani gurgile:
Nullae illis satis divitiae sunt, non Midae, 30.
Non Croesi: non omnis Persarum copia
Explere illorum Tartaream ingluviem potest.
Inique domini servis utuntur suis,
Et servi inique dominis nunc parent suis:
Sic fit neutrobi, quod fieri justum foret. 35.
Penum, popinas, cellas promptuarias
Occludunt mille clavibus parci senes.
Quae vix legitimis concedi natis volunt,
Servi furaces, versipelles, callidi,
Occlusa mille clavibus sibi reserant. 40.
Furtimque raptant, consumunt, liguriunt.
Centena nunquam furta dicturi cruce.
Sic servitutem ulciscuntur servi mali
Risu jocisque. Sic ergo concludo, quod
Servos fideles liberalitas facit. 45.
 Lyc. *Recte quidem tu, sed non paucis, ut mihi*
Pollicitus. Verum si te facio liberum,
Reddes, quod cupio? Strob. *reddam: sed testes volo*
Adsint, ignosces, here, parum credo tibi.

50. Lyc. *Ut lubet; adsint vel centum; jam nil moror.*
 Strob. *Megadore, et tu, Eunomia, adeste precor, si libet.*
Exite: perfecta re mox redibitis.
 Meg. *Qui nos vocat? hem Lyconide.* Eun. *hem, Strobile, quid est?*
Loquimini. Lyc. *breve est.* Meg. *quid est?* Strob. *vos testes voco.*
55. *Si quadrilibrem aulam auri plenam huc adfero,*
Et trado Lyconidae, Lyconides me manu
Mittit; jubetque juris esse me mei,
Itane spondes? Lyc. *spondeo.* Strob. *jamne audistis hoc?*
Quod dixit? Meg. *audivimus.* Strob. *jura enim per Jovem.*
60. Lyc. *Hem quo redactus sum alieno malo!*
Nimis procax es. quod jubet faciam tamen.
 Strob. *Heus tu, nostra aetas non multum fidei gerit:*
Tabulae notantur: adsunt testes duodecim:
Tempus locumque scribit actuarius;
65. *Tamen invenitur rhetor, qui factum neget.*
 Lyc. *Sed me cito expedi, sis.* Strob. *hem silicem tibi.*
 Lyc. *Si ego te sciens fallam, ita me ejiciat Diespiter.*
Bonis, salva urbe et arce, ut ego hunc lapidem. Satin?
Jam feci tibi? Strob. *satis. ut ego aurum apportem, eo.*
70. Lyc. *I Pegaseo gradu, et vorans viam redi.*

LYCONIDES. STROBILUS. MEGADORUS. EUNOMIA. EUCLIO.

- Grave est homini pudenti morologus nimis*
Servus, qui sapere plus vult hero suo.
Abeat hic Strobilus in malam liber crucem,
Modo mihi apportet auram auro puro gravem,
5. *Ut Euclionem socerum ex luctu retraham.*
Ad hilaritatem, et mihi conciliem filiam,
Ex compressu mea novam puerperam.
Sed ecce redit onustus Strobilus. ut reor,

Aulam apportat. et certe est aula, quam gerit.

Strob. *Lyconide, apporto inventum promissum tibi,* 10.

Aulam auri quadrilibrem, num servus fui?

Lyc. *Nempe. o dii immortales, quid video, aut quid habeo?*

Plus sexcentos Philippeos ter et quater.

Sed evocemus Euclionem protinus.

Lyc. *O Euclio, Euclio! Meg. Euclio, Euclio! Euc. quid est?* 15

Lyc. *Descende ad nos: nam dii te servatum volunt.*

Habemus aulam. Euc. habetisne, an me deluditis?

Lyc. *Habemus, inquam. modo, si potes, huc advola.*

Euc. *O magne Juppiter! o Lar familiaris, et*

Regina Juno, et noster thesaurarie 20.

Alcide, tandem miserari miserum senem!

Oh, oh, quam laetis, aula, tibi amicus senex

Complexor ulnis, et te dulci capio osculo!

Expleri nequeo mille vel complexibus.

O spes, o cor! luctum depulverans meum. 25.

Lyc. *Auro carere semper duxi pessimum*

Et pueris, et viris, et senibus omnibus.

Pueros postare cogit indigentia,

Viros furari, mendicariet ipsos senes.

At multo pejus est, ut video nunc, supra 30.

Quam quod necesse est nobis auro opulescere.

Heu quantas passus est aerumnas Euclio,

Ob aulam paulo ante a se deperditam!

Euc. *Quoi meritas referam grates? an diis, qui bonos*

Respectant homines? an amicis, rectis viris? 35.

An utrisque? utrisque potius. Et primum tibi,

Lyconide, principium et auctor tanti boni:

Hac ego te aula auri condono: accipias libens:

Tuam hanc esse volo, et filiam meam simul,

Praesente Megadoro, et sorore ejus, proba 40.

Eunomia. Lyc. et habetur, et refertur gratia,

Ut meritus es, socer exoptatus mihi, Euclio.

**Euc. Relatam mihi satis putabo gratiam,
Si domum nostrum, et me ipsum, accipias nunc libens.**

45. Lyc. Accipio, et Euclionis volo mea sit domus.

Strob. Quod restat, here, nunc memento, ut sim liber.

Lyc. Recte monuisti: Esto merito liber tuo,

O Strobile, et turbatam jam intus coenam para.

Strob. Spectatores, naturam avarus Euclio

50. Mutavit: liberalis subito factus est.

Sic liberalitate utimini vos quoque:

Et, si Fabula perplacuit, clare plaudite.

THESES.



I.

Delectus classicorum scriptorum, a veteribus criticis institutus, partim profuit, partim obfuit literarum studiis.

II.

Liber vitae X Oratorum Plutarcho abjudicandus esse videtur.

III.

Recte Valckenarius versum 51 Phoeniss.

ὄθεν τύραννος τῆςδε γῆς καθίσταται. spurium judicat.

IV.

Verba HomERICA νυκτός ἀμολγός non accipienda sunt de tempore quo *mulgentur* caprae, sed de *media nocte*.

V.

In Sophoclis Philoctete versu 1443 pro:

ἡ γὰρ εὐσέβεια συνθνήσκει βροτοῖς legendum οὐ γὰρ κ. τ. λ.

VI.

Thucydides non audivit Herodotum in ludis Olympicis suas historias recitantem.

VII.

Ex Platonis Xenophontisque scriptis confici licet, magnam inter eos exstitisse aemulationem.

VIII.

Lectio Plautinarum fabularum in primis commendanda est ad sermonis Latini proprietatem cognoscendam.

IX.

Fuit Aristophanes egregius civis.

X.

Porsoni conjecturam Eurip. Hecub. versu 41. γέρας λαχεῖν pro γέρας λαβεῖν legentis, improbamus.

